

足本
大字

雷公藥性賦

附藥性解 上

上海廣益書局印行

附藥性解

足本
大字

雷公藥性賦

上海廣益書局印行

藥性賦原序

往嘗向學以未博醫為久事一日思取古人既目醫類為小道又謂人不可以不知醫噫嘻醫不可以不知也亦不必於盡知也非盡知不可也顧吾所事者大其餘所謂醫者精神有分數日月不長居也君子於醫苟知其槩以知之者付之耑之者斯固不害為知也此吾有取於藥性賦也雖然吾為耑於大者言也苟有奇世之人囊小大而無不知者奚必盡守乎吾言或曰斯人也吾見亦罕矣此吾有取於藥性賦也元山道人識

珍珠囊指掌補遺藥性賦目次

卷之一 總賦

寒性 六十六種

犀角 味苦酸 微寒無毒
 羚羊角 味苦酸 微寒無毒
 澤瀉 味甘酸 寒無毒
 海藻 味苦酸 寒無毒
 菊花 味甘平 寒無毒
 射干 味苦平 微溫有毒
 薏苡仁 味甘微 寒無毒
 藕節 味甘平 寒無毒
 括蕒子 味甘寒 寒無毒
 車前子 味甘酸 寒無毒
 黃蘗 味苦寒 寒無毒
 兜鈴 味苦寒 寒無毒
 地骨皮 味苦寒 寒無毒
 薄荷葉 味苦平 涼無毒

枳殼 味苦酸 微寒無毒
 枳實 味甘酸 微寒無毒
 乾葛 味甘平 寒無毒
 柴胡 味苦平 寒無毒
 百部 味甘微 寒無毒
 梔子 味甘寒 寒無毒
 玄參 味甘微 寒無毒
 升麻 味甘平 微寒無毒
 膩粉 味甘平 寒無毒
 金箔 味甘平 寒無毒
 茵陳 味甘平 微寒無毒
 瞿麥 味甘平 寒無毒
 朴硝 味甘大 寒無毒
 石膏 味甘大 寒無毒
 前胡 味甘微 寒無毒
 滑石 味甘大 寒無毒
 天門冬 味甘平 大寒無毒

麥門冬 味甘平 微寒無毒
 竹茹 味甘微 寒無毒
 大黃 味甘大 寒無毒
 宣黃連 味甘微 寒無毒
 淫羊藿 味甘寒 寒無毒
 茅根 味甘寒 寒無毒
 石韋 味甘平 寒無毒
 熟地黃 味甘微 寒無毒
 生地黃 味甘苦 寒無毒
 赤芍藥 味甘微 寒有小毒
 白芍藥 味甘微 寒無毒
 牽牛 味甘寒 寒無毒
 貫眾 味甘微 寒無毒
 金鈴子 味甘苦 寒無毒
 萱草根 味甘涼 寒無毒
 側柏葉 味甘微 寒無毒
 香附子 味甘微 寒無毒

熱性 六十種

地膚子 味苦寒 無毒

山豆根 味甘寒 無毒

白鮮皮 味苦鹹 無毒

旋復花 味甘溫 無毒

荊芥穗 味辛苦 溫無毒

括萎根 味苦寒 無毒

地榆 味甘酸 微寒無毒

昆布 味辛酸 寒無毒

淡竹葉 味辛平大 寒無毒

牡丹皮 味辛苦寒 微寒無毒

知母 味苦寒 無毒

牡蠣 味鹹平微 寒無毒

貝母 味辛苦平 微寒無毒

桔梗 味平苦微 寒無毒

黃芩 味苦平大 寒無毒

槐花 味苦平 無毒

常山 味苦平 有毒

葶藶 味平苦大 寒無毒

華撒 味辛大 溫無毒

生薑 味辛微 溫無毒

五味子 味酸溫 無毒

溫胸臍 味酸溫 熱無毒

川芎 味辛溫 無毒

續斷 味苦平微 溫無毒

麻黃 味苦甘微 溫無毒

韭子 味辛溫 無毒

川烏 味辛熱 有毒

天雄 味辛甘大 熱有大毒

川椒 味辛溫 熱有毒

乾姜 味辛溫大 熱無毒

胡蘆巴 味苦溫 無毒

生卷柏 味辛甘溫 微寒無毒

白朮 味甘溫 無毒

葛蒲 味辛溫 無毒

丁香 味辛溫 無毒

良姜 味辛苦大 熱無毒

肉從蓉 味甘酸 微溫無毒

石硫黃 味酸溫大 熱有毒

胡椒 味辛溫 無毒

秦椒 味辛溫 熱有毒

吳茱萸 味辛溫大 熱有小毒

靈砂 味甘溫 無毒

葶藶 味辛溫 無毒

蓮莖 味苦平 溫無毒

縮砂 味辛溫 無毒

附子 味辛甘大 熱有大毒

白豆蔻 味辛熱 溫無毒

乳香 味辛熱 微毒

紅豆蔻 味辛熱 溫無毒

乾漆 味辛溫 微毒

鹿茸 味甘酸 溫無毒

虎骨 味辛微 熱無毒

檀香 味辛熱 無毒

鹿角 味辛熱 無毒

米醋 味酸溫 無毒

紫蘇 味辛溫 無毒

破故紙 味辛大 溫無毒

宣木瓜 味酸溫 無毒

杏仁 味甘苦溫 雙仁有毒

茴香 味辛平 無毒

訶子 味苦溫 無毒

秦艽 味苦平 溫無毒

檳榔 味辛溫 無毒

杜仲 味平甘平 溫無毒

紫石英 味甘平 溫無毒

橘核仁 味甘酸 溫無毒

金櫻子 味甘平 酸溫無毒

紫蘇子 味辛溫 無毒

淡豆豉 味苦寒 無毒

大小薊 味甘溫 有微毒

益智 味甘平 無毒

麻仁 味甘平 無毒

黃耆 味甘微 溫無毒

狗脊 味甘平 溫無毒

兔絲子 味甘平 溫無毒

馬蘭花 味甘平 溫無毒

平性 六十八種

礪砂 味鹹苦平 溫有毒

龍齒 味寒大 溫無毒

青皮 味辛溫 無毒

艾實 味甘平 無毒

木賊草 味甘微 苦無毒

花藥石 味甘平 無毒

決明 味酸苦甘平 微寒無毒

天麻 味甘平 無毒

甘草 味甘平 無毒

石斛 味甘平 無毒

商陸 味辛酸 平有毒

覆盆 味甘平 酸無毒

琥珀 味甘平 無毒

硃砂 味甘微 寒無毒

牛膝 味甘平 無毒

龍骨 味甘平 寒無毒

甘松 味甘溫 無毒

蕤蔞 味苦辛 酸溫無毒

人參 味甘微寒 溫無毒

蒲黃 味甘 無毒

南星 味苦 有毒

三稜 味苦平 無毒

沒石 味苦溫 無毒

兒角 味鹹溫 有小毒

桑螵蛸 味甘 平無毒

鴨頭血 味甘溫 平無毒

蛤蚧 味甘平 有小毒

牛旁 味甘平 無毒

全蝎 味甘平 有毒

酸棗仁 味甘平 無毒

桑寄生 味甘 平無毒

大腹子 味甘微 溫無毒

小草 味甘 無毒

遠志 味甘 無毒

木通 味甘平 無毒

猪苓 味甘平 無毒

| | | |
|-----|-----|---|
| 蓮肉 | 味甘平 | 三 |
| 沒藥 | 味苦平 | 三 |
| 郁李仁 | 味酸平 | 三 |
| 茯神 | 味甘平 | 三 |
| 白茯苓 | 味甘平 | 三 |
| 赤茯苓 | 味甘平 | 三 |
| 麥蘖 | 味甘平 | 三 |
| 小麥 | 味甘平 | 三 |
| 白附子 | 味甘平 | 三 |
| 大腹皮 | 味甘平 | 三 |
| 椿白皮 | 味甘平 | 三 |
| 桑白皮 | 味甘平 | 三 |
| 桃仁 | 味甘平 | 三 |
| 神麴 | 味甘平 | 三 |
| 五加皮 | 味甘平 | 三 |
| 柏子仁 | 味甘平 | 三 |
| 安息香 | 味甘平 | 三 |
| 冬瓜仁 | 味甘平 | 三 |
| 殭蚕 | 味甘平 | 三 |

| | | |
|-----|-----|---|
| 百合 | 味甘平 | 三 |
| 赤小豆 | 味甘平 | 三 |
| 枇杷葉 | 味甘平 | 三 |
| 連翹 | 味甘平 | 三 |
| 石楠葉 | 味甘平 | 三 |
| 穀蘖 | 味甘平 | 三 |
| 阿魏 | 味甘平 | 三 |
| 紫河車 | 味甘平 | 三 |
| 大棗 | 味甘平 | 三 |
| 鱉甲 | 味甘平 | 三 |
| 龜甲 | 味甘平 | 三 |
| 烏梅 | 味甘平 | 三 |
| 竹瀝 | 味甘平 | 三 |

以上寒熱溫平總計三百二

用藥發明

藥性陰陽論
標本論
用藥法

| | | |
|-----|------|---|
| 逐段錦 | 凡九十種 | 三 |
| 羌活 | 味甘平 | 三 |
| 升麻 | 味甘平 | 三 |
| 柴胡 | 味甘平 | 三 |

卷之二 主治指掌

| | | |
|-------------|------|---|
| 藥性升降浮沉補瀉法 | 六 | |
| 五臟所欲 | 六 | |
| 五臟所苦 | 六 | |
| 五臭湊五臟例 | 六 | |
| 五行五色五味五臟主禁例 | 六 | |
| 手足三陽表裏引經主治例 | 六 | |
| 諸藥瀉諸經之火邪 | 六 | |
| 諸藥相反例 | 六 | |
| 十八反歌 | 六 | |
| 十九畏歌 | 六 | |
| 六陳歌 | 六 | |
| 五臟補瀉主治例 | 六 | |
| 用藥凡例 | 六 | |
| 逐段錦 | 凡九十種 | 三 |
| 羌活 | 味甘平 | 三 |
| 升麻 | 味甘平 | 三 |
| 柴胡 | 味甘平 | 三 |

葶藶 味苦寒 無毒

海藻 味苦咸 寒無毒

竹葉 味苦平 無毒

葱白 味辛溫 無毒

天麻 味辛平 無毒

大棗 味甘平 無毒

威靈仙 味苦溫 無毒

鼠粘子 味辛平 無毒

草豆蔻 味辛溫 無毒

玄胡索 味苦辛 溫無毒

用藥須知

用藥法象

四時用藥法

藥本五味歌

炮製藥歌

妊娠服藥禁歌

卷之三

玉石部

六

六

六

六

六

六

六

六

七

七

七

七

七

六

六

六

金屑

玉屑

辰砂

石床

生銀屑

鍾乳粉

代赭石

伏龍肝

雲母

水銀

礬石

禹餘糧

朴硝

硝石

空青

紫石

寒水石

石硫黃

磁石

一

一

一

一

一

一

一

一

一

一

一

一

一

一

一

一

一

一

一

食鹽

輕粉

石灰

石膏

滑石

胡粉

銅青

蜜陀僧

無名異

硼砂

膽礬

靈砂

白堊

石燕

黑鉛

黃丹

礬石

花蕊石

自然銅

二

二

二

二

二

一

二

二

二

二

二

二

二

二

二

二

二

二

二

礪砂

信石

梁上塵

井泉石

玄精石

鐵粉

雄黃

雌黃

草部上

菖蒲

菊花

人參

甘草

白朮

蒼朮

生地黃

熟地黃

天門冬

麥門冬

三

三

三

三

三

四

四

四

四

四

四

四

四

四

四

四

四

四

四

地膚子

車前子

兔絲子

巴戟天

牛膝

柴胡

草決明

龍胆草

菴閣子

茵陳蒿

遠志

黃精

五味子

木香

剪金花

慎火草

絡石

川芎

石斛

四

四

四

四

五

五

五

五

五

五

五

五

五

五

五

五

五

五

五

升麻

續斷

茜根

蛇床子

羌活

獨活

細辛

薯蕷

蒼苡仁

姜薤

黃耆

忍冬草

澤瀉

防風

茯苓

蒲黃

肉蓯蓉

黃連

漏蘆

五

五

五

五

五

五

六

六

六

六

六

六

六

六

六

六

六

六

六

丹參
草部中

芍藥

姜黃

葛根

瞿麥

括蕒根

蒼耳子

玄參

苦參

貝母

知母

白薇

白芷

當歸

麻黃

大薊

小薊

小青

六

六

六

六

六

六

六

七

七

七

七

七

七

七

七

七

七

七

大青

京三稜

蓬莪朮

白豆蔻

華澄茄

鬱金

藁本

前胡

薑黃

華椒

高良姜

剪草

玉瓜

木通

馬蘭子

百合

秦艽

黃芩

紫苑

七

七

七

七

七

七

七

七

七

七

七

七

七

七

七

八

八

八

澤蘭

紫草

石韋

防己

肉豆蔻

款冬花

淫羊藿

補骨脂

蘆薈

牛旁子

海藻

水萍

艾

阿魏

敗醬

酸漿草

茴香

昆布

百部

八

八

八

八

八

八

八

八

八

八

八

八

八

八

八

八

八

八

天麻

八

牡丹皮

八

地榆

八

香附

九

縮砂

九

狗脊

九

革麻

九

紅花

九

白鮮皮

九

石龍芮

九

胡黃連

九

白茅花

九

玄胡索

九

甘松

九

使君子

九

草部下

九

烏頭

九

天雄

九

半夏

九

大黃

九

木賊草

九

青箱子

九

羊蹄

九

鶴蝨

十

甘遂

十

大戟

十

白薇

十

白薇

十

羊躑躅

十

馬兜鈴

十

劉寄奴

十

續隨子

十

白附子

十

白頭翁

十

何首烏

十

骨碎補

十

射干

十

常山

十

葇若子

十

連翹

十

桔梗

十

海金沙

十

穀精草

十

紫河車

十

商陸

十

菴蘆

十

貫眾

十

草蒿

十

旋覆花

十

草麻子

十

威靈仙

十

馬鞭草

十

葫蘆巴

十

萱草

十

燈心

十

雷公藥性賦

山豆根
金星草

狼毒

稀莖

夏枯草

天南星

牽牛

山茨菇

仙茅

芋根

茵芋

屋遊

卷之四

木部

桂

槐角

松脂

柏葉

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

柏子仁

枸杞子

地骨皮

茯苓

乾漆

茯神

琥珀

酸棗仁

榆皮

蔓荆子

桑寄生

訶子

辛夷

烏藥

沒藥

秦椒

蜀椒

莽草

椶櫚

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

巴豆

芫花

木鱉子

雷丸

石楠

海桐皮

牡荊子

郁李仁

密蒙花

蘇方木

楮實

竹皮

檉白皮

梧桐泪

枳殼

山梔子

檳榔

厚朴

猪苓

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

十一

目次

六

龍腦

十四

黃蘗

十四

紫威

十四

杜仲

十四

衛茅

十四

虎杖

十四

燕夷

十四

蕤仁

十四

皂莢

十四

沒石子

十四

益智

十四

川棟子

十四

五倍子

十四

吳茱萸

十四

山茱萸

十四

桑白皮

十四

大腹皮

十四

金櫻子

十五

冬青子

十五

蘇合香

十五

安息香

十五

秦皮

十五

黃蘗

十五

苦菜

十五

鈎藤

十五

麒麟竭

十五

五加皮

十五

丁香

十五

沉香

十五

檀香

十五

藿香

十五

乳香

十五

楓香

十五

天竺黃

十五

胡椒

十五

人部

天靈蓋

十五

人糞汁

十五

童男溺

十六

乳汁

十六

視襠

十六

血餘

十六

人中白

十六

禽獸部

鹿角

十六

麝香

十六

牛黃

十六

龍骨

十六

牛乳

十六

獺肝

十六

象牙

十六

熊膽

十六

羚羊角

十六

臙胸臍

十六

阿膠

十六

犀角

十六

鹿茸

十六

雷公藥性賦

木瓜

枇杷葉

胡桃

草果

米穀部

粳米

秠米

陳倉米

黑豆

白豆

米粟

胡麻

赤小豆

白扁豆

小麥

大麥

麥蘖

麥麩

菜豆

甜瓜

蔬菜部

葱

韭

菜菔子

胡荽

冬瓜

白芥子

久養子

香蒿

芸苔菜

茄子

豆牙

荊芥

馬齒莧

草薺葉

蘇葉

薄荷

鉛糖

主

主

主

主

主

主

主

主

主

主

主

主

主

主

主

主

主

主

神麩

醋

酒

香豉

主

主

主

主

珍珠囊指掌補遺藥性賦

卷一

總賦

寒性

諸藥賦性。此類最寒。犀角解乎心熱。羚羊清乎肺肝。澤瀉利水通淋。而補陰不足。海藻散癭破氣。而治疝何難。聞知菊花能明目。而清頭風。射干療咽閉。而消癰毒。薏苡理脚氣。而除風濕。藕節消瘀血。而止吐衄。瓜蒌子下氣潤肺。喘兮又且寬中。車前子止瀉利小便。兮尤能明目。是以黃蘗瘡用。兜鈴救醫。地骨皮有退熱除蒸之效。薄荷葉宜消風清腫之施。寬中下氣。枳殼緩而枳實速也。療肌解表。乾葛先而柴胡次之。百部治肺熱咳嗽可止。梔子涼心腎。鼻衄最宜。玄參治結熱毒癰。清利咽膈。升麻消風熱腫毒。發散瘡癩。嘗聞膩粉抑肺而斂肛門。金箔鎮心而安魂魄。茵陳主黃疸而利水。瞿麥治熱淋之有血。朴硝通大腸破血而止痰癖。石膏治頭疼解肌而消煩渴。前胡除內外之痰實。滑石利六腑之滯結。天門冬止嗽補血潤而潤肝心。麥門冬清心解煩渴而除肺熱。又聞治虛煩除噦嘔。須用竹茹通秘結導瘀血。必資大黃宣黃連。治冷熱之痢。又厚腸胃而止瀉。淫羊養療風寒之痺。且補陰虛而助陽。茅根止血與

吐衄石韋通淋於小腸。熟地黃補血。且療虛損。生地黃宣血。更醫眼瘡。赤芍藥破血。而療腹疼。煩熱亦解。白芍藥補虛而生新血。退熱尤良。若乃消腫滿。逐水於牽牛。除毒熱。殺虫於貫衆。金鈴子治疝氣。而補精血。萱草根治五淋。而消乳腫。側柏葉治血出崩漏之疾。香附子理血氣。婦人之用。地膚子利膀胱。可洗皮膚之風。山豆根解熱毒。能止咽喉之痛。白鮮皮去風。治筋弱。而療足頑痺。旋復花明目。治頭風。而消痰。救壅。又况荆芥穗清頭目。便血。疎風散瘡之用。瓜萋根療黃疸毒癰。消渴解痰之要。地榆療崩漏。止血。止痢。昆布破疝氣。散癭散瘤。療傷寒。解虛煩。淡竹葉之功德。除結氣。破瘀血。牡丹皮之用同。知母止嗽。而骨蒸退。牡蠣瀉精。而虛汗收。貝母清痰。止咳。嗽。而利心肺。桔梗下氣。利胸膈。而治咽喉。若夫黃芩治諸熱。兼主五淋。槐花治腸風。亦醫痔痢。常山理痰結。而治溫瘧。葶瀉瀉肺喘。而通水氣。此六十六種藥性之寒。又當考圖經。以博其所治。觀夫方書。以參其所用焉。其庶幾矣。

熱性

藥有溫熱。又當審詳。欲溫中以華撥。用發散以生薑。五味子止痰嗽。且滋腎水。脛肺臍療勞瘵。更壯元陽。原夫川芎祛風濕。補血清頭。續斷治崩漏。益筋強脚。麻黃表汗。以療咳逆。韭子助陽。而醫白濁。川烏破積。有消痰治風痺之功。天雄散寒。為去濕助。

陽精之藥。觀夫川椒、蓬下、乾薑、煖中、葫蘆、巴治虛冷之疝氣。生卷、栝、破癥瘕而血通。白朮消痰壅、溫胃兼止吐瀉。菖蒲開心氣、散冷更治耳聾。丁香快脾胃而止吐逆。良薑止心氣痛之攻衝、肉苁蓉填精益腎。石硫、黃煖胃驅蟲。胡椒主去痰而除冷。秦椒主攻痛而治風。吳茱萸療心腹之冷氣。靈砂定心臟之怔忡。益夫散腎冷、助脾胃、須華澄茄療心痛、破積聚、用蓬莪朮縮砂止吐瀉、安胎化酒食之劑。附子療虛寒、翻胃壯元陽之力。白豆蔻治冷瀉、療癱止痛於乳香、紅豆蔻止吐酸、消血殺蟲於乾漆。豈不知鹿茸生精血、腰脊崩漏之均補。虎骨壯筋骨、寒濕毒風之並祛。檀香定霍亂而心氣之痛愈。鹿角秘精髓而腰脊之痛除。消腫益血於米醋、下氣散寒於紫蘇。菟豆助脾則酒有行藥、破血之用。麝香開竅則葱為通中發汗之需。嘗觀五靈脂治崩漏、理血氣之刺疼。麒麟竭止血出療、金瘡之傷折。麝茸壯陽以助腎、當歸補虛而養血。烏賊骨止帶下、且除崩漏。目翳、鹿角膠住血崩、能補虛羸、勞絕。白花蛇治癱瘓、除風癢之癬疹。烏梢蛇療不仁、去瘡瘍之風熱。圖經云：烏藥有治冷氣之理。禹餘糧乃療崩漏之因。巴豆利痰水、能破積熱、獨活療諸風、不論久新。山茱萸治頭暈、遺精之藥。白石英醫咳嗽、吐膿之人。厚朴溫胃而去嘔脹、消痰亦驗。肉桂行血而療心痛、止汗如神。是則鯽魚有溫胃之功、代赭乃鎮肝之劑。沉香下氣、補腎定霍亂之心痛。橘皮

開胃去痰導壅滯之逆氣此六十種藥性之熱又當博本草而取治焉

温性

温藥總括醫家素譜木香理乎氣滯半夏主於濕痰蒼朮治目盲燥脾去濕宜用蘿
蔔去膨脹下氣制麩尤堪况夫鍾乳粉補腎氣兼療肺虛青鹽治腹痛且滋腎水山
藥而腰濕能醫阿膠而痢嗽皆止赤石脂治精濁而止瀉兼補崩中陽起石煖子宮
以壯陽更療陰痿誠以紫菀治嗽防風祛風蒼耳子透腦止涕威靈仙宣風通氣細
辛去頭風止嗽而療齒痛艾葉治崩漏安胎而醫痢紅羌活明目驅風除筋攣腫痛
白芷止崩治腫療痔漏瘡癰若乃紅藍花通經治產後惡血之餘劉寄奴散血療湯
火金瘡之苦滅風溼之痛則茵芋葉療折傷之症則骨碎補霍香葉辟惡氣而定霍
亂草果仁温脾胃而止嘔吐巴戟天治陰疝白濁補腎尤滋玄胡索理氣痛血凝調
經有助嘗聞欵冬花潤肺去痰嗽以定喘肉豆蔻温中止霍亂而助脾撫芎走經絡
之痛何首烏治瘡疥之資薑黃能下氣破惡血之積防己宜消腫去風溼之施藟本
除風主婦人陰痛之用仙茅益腎扶元氣虛弱之衰乃曰破故紙温腎補精髓與勞
傷宣木瓜入肝療腳氣并水腫杏仁潤肺燥止嗽之劑茴香治疝氣腎痛之用訶子
生精止渴兼療滑泄之疴秦艽攻風逐水又除肢節之痛檳榔豁痰而逐水殺寸白

蟲杜仲益腎而添精。去腰膝重當知。紫石英療驚悸崩中之疾。橘核仁治腰疼疝氣之瘕。金櫻子兮澀遺精。紫蘇子兮下氣涎。淡豆豉發傷寒之表。大小薊除諸血之鮮。益智安神治小便之頻數。麻仁潤肺利六府之燥堅。抑又聞補虛弱排瘡膿。莫若黃芪強腰脚壯筋骨。無如狗脊兔絲子補腎以明目。馬蘭花治疝而有益。此五十四種藥性之溫更宜參圖經而默識也。

平性

詳論藥性平和。惟在以礪砂而去積。用龍齒以安魂。青皮快膈。除膨脹且利脾胃。芡實益精。治白濁兼補真元。原夫木賊草去目翳崩漏亦醫。花藥石治金瘡。血行則卻。決明和肝氣。治眼之劑。天麻主頭眩祛風之藥。甘草和諸藥而解百毒。益以性平石斛平胃氣而補腎虛。更醫脚弱。觀夫商陸治腫。覆盆益精。琥珀安神而破血。硃砂鎮心而有靈。牛膝強足補精。兼療腰痛。龍骨止汗住泄。更治血崩。甘松理風氣而痛止。蒺藜療風瘡而目明。人參潤肺寧心。開脾助胃。蒲黃止崩治衄。消痰調經。豈不以南星醒脾。去驚風痰吐之憂。三稜破積。除血塊氣滯之症。沒石主泄瀉而神效。皂角治風痰而響應。桑螵蛸療遺精之洩。鴨頭血醫水腫之盛。蛤蚧治勞嗽。牛旁子疎風壅之疾。全蠍主風癱。酸棗仁去怔忡之症。嘗聞桑寄生益血安胎。且止腰痛。大腹子去

臟下氣亦令胃和小草遠志俱有寧心之妙木通猪苓尤為利水之多蓮肉有清心醒脾之用沒藥任治瘡散血之料郁李仁潤腸宣水去浮腫之疾茯苓寧心益智除驚悸之疴白茯苓補虛勞多在心脾之有青赤茯苓破結血獨利水道以無毒因知麥蘖有助脾化食之功小麥有止汗養心之力白附子去面風之遊走大腹皮治水腫之泛溢椿根白皮主瀉血桑根白皮主喘息桃仁破瘀血兼治腰痛神麩健脾胃而進飲食五加皮堅筋骨以立行栝子仁養心神而有益抑又聞安息香辟惡且止心腹之痛冬瓜仁醒脾實為飲食之資蠶蠶治諸風之喉閉百合斂肺勞之嗽姜赤小豆解熱毒瘡腫宜用枇杷葉下逆氣噦嘔可醫連翹排瘡毒與腫毒石楠葉利筋骨與皮毛穀蘖養脾阿魏除邪氣而破積紫河車補血大棗和藥性以開脾然而鼈甲治勞瘧兼破癥瘕龜甲堅筋骨更療崩疾烏梅主便血瘡痢之用竹瀝治中風聲音之失此六十八種平和之藥更宜忝本草而求其詳悉也

以上彙諸藥品總括成章性分寒熱溫平味注抑揚主治隨症對藥辭義了然在習醫者固當審詳而保身者亦宜熟讀庶幾無夫札之虞矣

用藥發明

藥性陰陽論

夫藥有寒熱溫涼之性酸苦辛鹹甘淡之味升降浮沉之能厚薄輕重之用或氣一

而味殊。或味同而氣異。合而言之。不可混用。分而言之。各有所能。本乎天者親上。本乎地者親下。輕清成象。重濁成形。清陽發腠理。濁陰走五臟。清中清者榮。養精神。濁中濁者堅。強骨髓。辛甘發散為陽。酸苦涌泄為陰。氣為陽。氣厚為陽中之陽。氣薄為陽中之陰。薄則發泄。厚則發熱。味為陰。味厚為陰中之陰。味薄為陰中之陽。薄則疏通。厚則滋潤。升降浮沉之辨。豁然貫通。始可以言醫。而司人命矣。人徒知藥之神者。乃藥之力也。殊不知乃用藥者之力也。人徒知辨真偽。識藥之為難。殊不知分陰陽用藥之為尤難也。

標本論

夫用藥者。當知標本。以身論之外為標。內為本。氣為標。血為本。陽為標。陰為本。六腑屬陽為標。五臟屬陰為本。以病論之。先受病為本。後傳變為標。凡治病者。先治其本。後治其標。雖有數病。靡弗去矣。若先治其標。後治其本。邪氣滋甚。其病益堅。若有中滿。無問標本。先治其滿。謂其急也。若中滿後有大小便不利。亦無問標本。先治大小便。次治中滿。謂尤急也。又如先病發熱。後病吐瀉。飲食不下。則先定嘔吐。後進飲食。方兼治瀉。待元氣稍復。乃攻熱耳。此所謂緩則治其本。急則治其標也。除大小便不利。及中滿吐瀉之外。皆先治其本。不可不知也。假令肝受心火之邪。是從前來者為實邪。

實則瀉其子。然非直瀉其火。入肝經藥為之引用。瀉火為君。是治實邪之病也。假令肝受腎邪。是從後來者為虛邪。虛則補其母。入腎經藥為引用。補肝藥為君。是也。標本已得。邪氣乃服。醫之神良。莫越乎此。

用藥法

去用藥之法。貴乎明變。如風會有古今之異。地氣有南北之分。天時有寒暑之更。稟賦有厚薄之別。受病有新舊之差。年壽有老少之殊。居養有貴賤之別。用藥之際。勿好奇。勿執一。勿輕妄。勿迅速。須慎重精詳。圓融活變。不好沉會。以期必妥。藥於是乎功成。惜先賢未有發明。後學因而弗講。其悞世也。不既多乎。

夫病有宜補。以瀉之道。補之病有宜瀉。以補之道。瀉之病有宜寒劑者。以熱劑為嚮導之兵。病有宜熱劑者。以寒劑為類從之引。病在上者治下。病在下者治上。病同也。而藥異。病異也。而藥同。其義至微。學者最宜深究。

用藥之忌。在乎欲速。欲速則寒熱溫涼。行散補瀉。未免過當。功未獲。奏害已隨之。夫藥無次序。如兵無紀律。雖有勇將。適以勇而僨事。又如理絲。緩則可清。其緒急則愈堅。其結矣。

藥有君臣佐使。味有輕重厚薄。人而知之矣。及其用藥也。令人復煎其渣。不知既經

煎沸則輕且薄者業已無味。重且厚者不減初煎。君臣佐使之宜果安在哉。病淺者猶無大害。病深者切勿為之。

凡修丸劑須每種各為細末。以末之輕重合之。則分兩方準。不然易細者一磨無遺。難碎者三復不盡。鹵莽若此。何怪其無功哉。

凡藥苦者直行而泄。辛者橫行而散。酸者束而收斂。鹹者止而軟堅。獨是甘之一味。可升可降。可浮可沉。可內可外。有和有緩。有補有泄。蓋土味作甘。土位居中。而能兼乎五行也。凡藥之在上者。中半以上為根。其氣上行。病在中上焦者用之。中半以下為梢。其氣下行。病在下焦者用之。藥之出上者。中半以上為苗。其氣味上升。中半以下為身。為幹。其氣味中守下達咸宜。因其病而酌之。使弗悖乎陰陽也。

凡藥在上者。不厭頻而少。在下者。不厭頓而多。少服則滋榮於上。多服則峻補於下。凡病在上者。先食而後藥。病在下者。先藥而後食。病在四肢者。宜飢食而在晝。病在骨髓者。宜飽食而在夜。

凡煎藥用水亦各有宜。如治濕腫浮脹之疾。而欲使利水道。則取長流水。以流長源遠。其性通達。直引四肢之間也。如治二便不通。及足脛以下風濕。則取急流水。以其湍縱峻急。其性速下也。如治痰飲鬱滯。而欲吐發升散。則取逆流水。以其性逆倒流。

洄瀾湧決也。如治中氣不足。則取春雨水。有陽道發生之意也。如治下元不足。則取井水。蓋清晨井中天一之氣。浮結於面。以磁器輕取之。殊有補陰之功也。如治火熱陽證。則取雪水。能大退熱也。如治傷寒陰證。奔豚等疾。則取甘澗水。蓋盛之於缸。揚過千遍。水珠沫液。盈溢於面。其性柔順。其味甘溫。大能和氣也。如治脾胃虛弱。泄瀉不食等疾。則取池潦水。蓋土池中停蓄既久。不流不動。殊有土氣。能助脾元也。如治陰不升。陽不降。乖隔諸疾。則取陰陽水。河井各半。陰陽相成。可升可降。而使氣平者也。古人用藥。如羿之射的。不第諳其理。尤貴擇其道。地者。製之盡善。不然。欲以濫惡之劑。冀其功驗。雖扁鵲再起。其可得乎。

凡藥有畏惡相反。所謂畏者。畏其制我。不得自縱。如半夏畏生薑之類是也。所謂惡者。惡其異我。不得自盡。如生姜惡黃芩之類是也。統而論之。彼所畏者。我必惡之。我所惡者。彼亦畏我。相畏相惡之中。亦有相成者在。因病制方。輕重多寡之間耳。若所謂相反。則各懷酷毒。兩仇不共。共則必害事也。然有大毒之疾。又須用大毒之藥。以剗之。如古方感應丸。用巴豆牽牛同劑。以為攻堅破積之用。四物湯加入參五靈脂。以治血塊。二陳湯加藜蘆細辛。以吐風痰。丹溪治屍瘵。蓮心散以甘草芫花同劑。而謂妙處在此。顧良工用之何如耳。

藥性升降浮沉補瀉法

足厥陰肝

味辛補酸瀉

制所金以

氣溫補涼瀉

足少陽膽

味鹹補甘瀉

制所水以

氣熱補寒瀉

手太陽脾

味甘補苦瀉

制所水以

氣溫涼寒熱補
瀉各從其宜

足太陽胃

味酸補辛瀉

制所木以

氣涼補溫瀉

手少陰心

味苦補鹹瀉

制所火以

氣寒補熱瀉

手陽明大腸

味苦補鹹瀉

制所火以

氣寒補熱瀉

穀入於胃。脈道乃行。故血不可不養。衛不可不溫。血溫衛和。榮衛將行。常有天命矣。

五臟所欲

肝欲散。急食辛以散之。

以辛補之。以酸瀉之。

心欲奠。急食醢以奠之。

以醢補之。以甘瀉之。

脾欲緩。急食甘以緩之。

以甘補之。以苦瀉之。

肺欲收。急食酸以收之。

以酸補之。以辛瀉之。

腎欲堅。急食苦以堅之。

以苦補之。以醢瀉之。

五臟所苦

肝苦急。急食甘以緩之。

心苦急。急食酸以收之。

肺苦氣上。急食苦以泄之。

脾苦濕。急食苦以燥之。
腎苦燥。急食辛以潤之。

五臭湊五臟例

燥氣入肝。

腥氣入肺。

香氣入脾。

焦氣入心。

腐氣入腎。

五行五色五味五走五臟主禁例

東方之木其色青其味酸其臟肝。肝主筋。木曰曲直作酸酸走肝。筋病人無多食酸。
南方之火其色赤其味苦其臟心。心主血。火曰炎上作苦苦走心。血病人無多食苦。
西方之金其色白其味辛其臟肺。肺主氣。金曰從革作辛辛走肺。氣病人無多食辛。
北方之水其色黑其味鹹其臟腎。腎主骨。水曰潤下作鹹鹹走腎。骨病人無多食鹹。
中央之土其色黃其味甘其臟脾。脾主肉。土曰稼穡作甘甘走脾。肉病人無多食甘。
手足三陽表裡引經主治例

太陽 足勝 手小腸

少陽 足胆 手三焦

陽明 足胃 手大腸

上 羌活

上 柴胡

上 升麻 白芷

下 黃柏

下 青皮

下 石膏

少陰 足心 手腎

厥陰 足肝 手心包

太陰 足脾 手肺

如母 黃連 青皮 柴胡 白芍 桔梗

諸藥瀉諸經之火邪

黃連瀉心火 梔子黃芩瀉肺火 白芍瀉脾火 柴胡黃連瀉肝膽火 知母瀉

腎火 木通瀉小腸火 黃芩瀉大腸火 柴胡黃芩瀉三焦火 黃栢瀉膀胱火

諸藥相反例

甘草反 大戟 芫花 甘遂 海藻

烏頭反 半夏 桔萆 貝母 白芨 白斂

藜蘆反 細辛 芍藥 人參 沙參 苦參 丹參

十八反歌

本草明言十八反，半萆貝斂芩攻烏。藻戟遂芫俱戰草，諸參辛芍叛藜蘆。

十九畏歌

硫黃原是火中精，朴硝一見便相爭。水銀莫與砒霜見，狼毒最怕蜜陀僧。巴豆性烈最為上，偏與牽牛不順情。丁香莫與鬱金見，牙硝難合豆蔻稜。川烏草烏不順犀，人參最怕五靈脂。官桂善能調冷氣，若逢石脂便相欺。大凡修合看順逆，炮熅炙燂莫相依。

六陳歌

枳殼陳皮半夏齊麻黃狼毒及茱萸。六般之藥宜陳久，入藥方知奏効奇。

五臟補瀉主治例

肝虛者。陳皮生薑之類補之。虛則補其母。腎者肝之母也。熟地黃黃柏補之。如無他症。錢氏地黃丸主之。實則白芍藥瀉之。如無他症。錢氏瀉青丸主之。實則瀉其子。以甘草瀉心者。肝之子也。

心虛者。炒鹽補之。虛則補其母。肝者心之母也。以生薑補肝。如無他症。錢氏安神丸主之。實則甘草瀉之。如無他症。錢氏方中。重則瀉心湯。輕則導赤散。

脾虛者。甘草大棗之類補之。實則黃連枳實瀉之。如無他症。錢氏益黃散主之。虛則補其母。心乃脾之母。以炒鹽補心。實則瀉其子。肺乃脾之子。以桑白皮瀉肺。

肺虛者。五味子補之。實則桑白皮瀉之。如無他症。錢氏阿膠散主之。虛則補其母。脾乃肺之母。以甘草大棗補脾。實則瀉其子。腎者肺之子。以澤瀉瀉腎。

腎虛者。熟地黃栢補之。腎無實不可瀉。錢氏止有補腎地黃丸。無瀉腎藥。虛則補其母。肺乃腎之母。以五味子補肺。

以上五臟補瀉。素問藏氣法時論備有之矣。欲究其詳。再看本論。

用藥凡例

頭角痛。須用川芎。血枯亦用。顛項痛。須用藜蘆。遍身肢節痛。須用羌活。風濕亦

用。腹中痛須用白芍厚朴。臍下痛用黃柏青皮。心下痛須用吳茱萸。胃脘痛須用草豆蔻。脇下痛須用柴胡。日晡潮熱寒熱往來亦用。莖中痛須用生甘草梢。氣刺痛須用枳殼。血刺痛須用當歸。心下痞須用枳實。胸中寒痞須用去白陳皮。腹中窄須用蒼朮。破血須用桃仁。活血須用當歸。補血須用川芎。調血須用玄胡索。補元氣須用人參。調諸氣須用木香。破滯氣須用枳殼青皮。肌表熱須用黃芩。去痰亦用。去痰用半夏。去風痰須用南星。諸虛熱須用黃芪。盜汗亦用。脾胃受濕用白朮。去痰亦用。下焦濕腫用漢防己。草龍胆。中焦濕熱用黃連。下焦濕熱用黃芩。煩渴須用白茯苓葛根。嗽者用五味子。咳有聲無痰者用生薑杏仁防風。咳有聲有痰者用半夏枳殼防風。喘者須用阿膠天門冬麥門冬。諸泄瀉須用白芍白朮。諸水瀉用白朮白茯苓澤瀉。諸痢疾須用當歸白芍藥。上部見血用防風。中部見血用黃連。下部見血用地榆。眼暴發須用當歸黃連防風。眼久昏暗用熟地黃當歸細辛。解利傷風須用防風為君。白朮甘草為佐。解利傷寒甘草為君。防風白朮為佐。凡諸風須用防風天麻。諸瘡瘍須用黃柏知母為君。茯苓澤瀉為佐。瘧疾須用柴胡為君。隨所發之時所屬經部分以引經藥導之。

以上諸藥。此大畧言之。以為處方之階。欲究其精。于第二卷主治指掌中求之。

卷二 主治指掌

羌活 君羌活氣雄 獨活氣細

羌活味苦甘平。性微溫無毒。升也。陰中之陽也。其用有五。散肌表八風之邪。利周身

八節之痛。排陰陽肉腐之疽。除新舊風濕之証。乃手足太陽表裡引經藥也。

升麻 形細而黑極堅者佳 形大者味薄不堪用

升麻味苦平。性微寒無毒。升也。陰中之陽也。其用有四。引葱白散手陽明之風邪。引

石膏止足陽明之齒痛。引諸藥遊行四經。升陽氣於至陰之下。因名之曰升麻。

柴胡 半夏為之使惡石 莢畏女乾藜蘆

柴胡味苦平。性微寒無毒。升也。陰中之陽也。其用有四。左右兩傍脇下痛。日晡潮熱

往來。主在藏調經。內主血。在肌主氣。上行經。手足少陽表裡四經之藥也。

白芷 臣當歸為之 使惡旋覆花

白芷味辛。性溫無毒。升也。陽也。其用有四。去頭面皮膚之風。除皮膚燥癢之痺。止足

陽明頭痛之邪。為手太陽引經之劑。

防風 臣惡乾姜藜蘆白 斂羌花制附子毒

防風味辛。性溫無毒。升也。陽也。其用有四。去頭面皮膚之風。除皮膚燥癢之痺。止足

防風味甘辛。性溫無毒。升也。陽也。其用有二。以氣味能瀉肺金。以體用通療諸風。

當歸

臣畏菖蒲海藻惡熱麴

當歸味甘辛。性溫無毒。可升可降。陽也。其用有四。頭止血而上行。身養血而中守。稍破血而下流。全活血而不走。

獨活

枳實為之使

獨活味苦甘平。性微溫無毒。升也。陰中之陽也。其用有三。諸風掉眩。頸項難伸。風寒濕痺。兩足不用。乃為足少陰之引經。

木香

君

木香味苦辛。性微溫無毒。降也。其用有二。調諸氣不可無。洩肺氣不可缺。

檳榔

君

檳榔味苦辛。性溫無毒。降也。陰也。其用有二。墜諸藥性若銛石。治後重驗如奔馬。

吳茱萸

惡丹參硝石畏紫石英先以湯浸去辛味凡六七次然後可用

吳茱萸味苦辛。性熱有小毒。可升可降。陽也。其用有四。因噎寒氣噎塞而不通。胸中冷氣閉塞而不利。脾胃停冷。腹痛而不任。心氣刺痛。成陣而不止。

藿香葉

藿香味甘。性溫無毒。可升可降。陽也。其用有二。開胃口。能進飲食。止霍亂。仍除嘔逆。

川芎

川芎味辛。性溫無毒。升也。陽也。其用有二。上行頭角。助元陽之氣而止痛。下行血海。養新生之血以調經。

黃連

臣惡菊花玄參先花畏
款冬花勝烏頭巴豆毒

黃連味苦。性寒無毒。沉也。陰也。其用有四。瀉心火。消心下痞滿之病。主腸澼。除腸中混雜之經。治目疾暴發宜用。療瘡瘍首尾俱同。

黃芩

臣惡蔥實畏丹
砂牡丹菘蘆

黃芩味苦。性寒平無毒。可升可降。陰也。其用有四。中枯而飄者瀉肺火。消痰利氣。細實而堅者瀉大腸火。養陰退陽。中枯而飄者除風濕留熱於肌表。細實而堅者滋化源退熱於膀胱。

大黃

使黃芩為之
使無所畏之

大黃味苦。性寒無毒。其性沉而不浮。其用走而不守。奪土鬱而通壅滯。定禍亂而致太平。因名之曰將軍。

黃蘗

黃蘗味苦。性寒無毒。沉也。陰也。其用有五。瀉下焦。隱伏之龍火。安上焦。虛熾之蛇虫。臍下痛。則單製而能除。腎不足。必炒用而能補。痿厥除濕藥中。誠不可闕。

玄胡粉

玄胡粉味辛甘酸。性微溫無毒。沉也。陰也。其用有二。去胃中之實熱。蕩腸中之宿垢。其效不可盡述。大抵用此而代益硝也。

白朮

君蒼者米泔水浸白者陳壁土炒服二朮忌食桃李雀蛤

白朮味甘。性溫無毒。可升可降。陽也。其用有四。利水道有除濕之功。強脾胃有進食之効。佐黃芩有安胎之能。君枳實有消痞之妙。

人參

君揆苓為之使反藜蘆惡鹹鹵凡使去淨蘆頭

人參味甘。性溫無毒。升也。陽也。其用有三。止渴生津液。和中益元氣。肺寒則可服。肺熱還傷肺。

黃耆

惡龜甲白蘚皮蜜炒用

黃耆味甘。性溫無毒。升也。陽也。其用有四。溫肉分而實腠理。益氣而補三焦。內托陰証之瘡瘍。外固表虛之盜汗。

甘草

君惡遠志反大戟芫花甘遂海藻用宜去皮服此忌豬肉及松菜

甘草味甘平。無毒。生之則寒。炙之則溫。生則分身梢而瀉火。炙則健脾胃而和中。解百毒而有効。協諸藥而無爭。以其甘能緩急。故有國老之稱。

半夏

使畏皂莢。惡雄黃。生薑乾姜。秦皮。龜甲。反烏頭。

半夏味辛平。生寒熟溫。有毒。降也。陽也。其用有四。除濕化痰。涎大和脾胃氣。痰厥及頭疼。非此莫能治。

陳皮

陳皮味辛苦。性溫無毒。可升可降。陽中之陰也。其用有二。留白補胃和中。去白消痰泄氣。

青皮

青皮味苦。性寒無毒。沉也。陰也。其用有四。破滯氣。愈低而愈効。削堅積。愈下而愈良。引諸藥至厥陰之分。下飲食入太陰之倉。

枳殼

使去黏麩炒令熟用

枳殼味酸苦。性微寒無毒。沉也。陰也。其用有四。消心下痞塞之疾。泄腹中滯塞之氣。推胃中隔宿之食。削腹內連年之積。

枳實

臣凡用先去穢陳久者佳

枳實味苦酸。性微寒無毒。沉也。陰也。其用有四。消胸中之虛痞。逐心下之停水。化日久之稠痰。削年深之堅積。

桔梗

臣畏白芨龍眼龍胆

桔梗味苦辛。性微溫。有小毒。升也。陰中之陽也。其用有四。止咽痛。兼除鼻塞。利膈氣。仍治肺癰。一為諸藥之舟楫。一為肺部之引經。

知母

君勿犯鐵器行經上頸酒炒用

知母味苦。性寒無毒。沉也。陰中之陰也。其用有四。瀉無根之實火。療有汗之骨蒸。止虛勞之陽勝。滋化源之陰生。

藁本

臣惡藺茹畏青箱子

藁本味苦辛。性微溫無毒。升也。陰中之陽也。其用有二。大寒氣客於巨陽之經。苦頭疼流於頭項之上。非此味不除。

生地黃

生地黃味甘苦。性寒無毒。沉也。陰也。其用有四。涼心火之血熱。瀉脾土之濕熱。止鼻中之衄熱。除五心之煩熱。

熟地黃

君惡貝母畏蕪荑忌鐵器犯之令人腎消亦忌食菜蔬令人髮白

熟地黄味甘苦。性温無毒。沉也。陰也。其用有四。活血氣。封填骨髓。滋腎水。補益真陰。傷寒後。脛股最痛。新產後。臍腹難禁。

五味子

君從蓉為之使。惡萎蕤。勝烏頭。

五味子味酸。性温無毒。降也。陰也。其用有四。滋腎經不足之水。收肺氣耗散之金。除煩熱。生津止渴。補虛勞。益氣強陰。

川烏

川烏味辛。性熱有毒。浮也。陽中之陽也。其用有二。散諸風之寒邪。破諸積之冷痛。

白芍藥

臣惡石斛。畏硝石。大小蘗。反藜蘆。

白芍藥味酸平。性寒有小毒。可升可降。陰也。其用有四。扶陽氣。大除腹痛。收陰氣。徒健脾經。墮其胎。能逐其血。損其肝。能緩其中。

白茯苓

臣惡白飯。蜜蒙。地榆。雄黃。秦。兪。龜。甲。忌醋。酸之物。中有筋。最損目。宜去之。

白茯苓味甘淡。性温無毒。降也。陽中之陰也。其用有六。利竅而除濕。益氣而和中。小便多而能止。大便結而能通。心驚悸而能保。津液少而能生。白者入壬癸。赤者入丙

丁。

澤瀉君

澤瀉味甘。鹹。性寒無毒。降也。陽中之陰也。其用有四。去胞垢而生新水。退陰汗而止虛煩。主小便淋澀。為仙藥。療水病濕腫。為靈丹。

薄荷葉使

薄荷葉味辛。性涼無毒。升也。陽也。其用有二。清利六陽之會首。祛除諸熱之風邪。

麻黃

臣惡辛。美石葦。凡用先煮三沸。去黃沫。否則令人煩悶。

麻黃味苦甘。性溫無毒。升也。陰中之陽也。其用有二。其形中空。散寒邪而發表。其節中閉。止盜汗而固虛。

厚朴

臣惡澤瀉。瀉寒水石。硝石入藥。去粗皮。生姜汁炒用。

厚朴味苦辛。性溫無毒。可升可降。陽中之陽也。其用有二。苦能下氣。去實滿而消腹脹。溫能益氣。除濕滿。散結調中。

杏仁

惡黃芩。黃芪。葛根。凡用去皮尖。麩炒。

杏仁味苦甘。性溫有毒。可升可降。陰中之陽也。其用有二。利胸中逆氣。而喘促。潤大腸。氣閉而難通。

巴豆

使惡甘草。畏大黃。黃連。用之去皮心。

巴豆味辛。性熱有大毒。浮也。陽中之陽也。其用有二。削堅積。蕩臟腑之沉寒。通閉塞。

利水穀之道路。斬關奪門之將。不可輕用。

黑附子

地胆為之使。惡蜈蚣。畏防風。黑豆。甘草。黃芩。人參。烏韭。

黑附子味辛性熱。有大毒。浮也。陽中之陽也。其性浮而不沉。其用走而不息。除六腑之沉寒。定三陽之厥逆。

蒼朮

蒼朮氣味主治與白朮同。補中除濕。力不及白。寬中發汗。功過於白。

秦艽

菖蒲為之使。

秦艽味苦辛平。性微溫無毒。可升可降。陰中之陽也。其用有二。除四肢風濕若神。療遍體骨痠如金。

白僵蚕

白僵蚕味鹹辛平。性微溫無毒。升也。陰中之陰也。其用有二。去皮膚風動如蟲行。主面部野生如漆點。

白豆蔻

白豆蔻味辛。性溫無毒。升也。陽也。其用有四。破肺中滯氣。退口中臭氣。散胸中冷氣。

補上焦元氣。

地榆

地榆味甘酸。性微寒無毒。沉也。陰也。其用有二。主下部積熱之血痢。止下焦不禁之月經。

連翹使

連翹味苦平。性微寒無毒。升也。陰也。其用有二。瀉諸經之客熱。散諸腫之瘡瘍。

阿膠君畏大黃

阿膠味甘平。性微溫無毒。降也。陽也。其用有四。保肺益金之氣。止嗽蠲咳之痰。補虛而安妊胎。治痿而強骨力。

桃仁

桃仁味苦甘平。性寒無毒。降也。陰也。其用有二。潤大腸血閉之便難。破大腸久蓄之血結。

生薑

仗惡黃芩黃連鼠糞去皮則熱留皮則冷制半夏毒

生薑味辛。性溫無毒。升也。陽也。其用有四。製半夏有解毒之功。佐大棗有厚腸之益。溫經散表邪之風。益陽補中焦之氣。

石膏

石膏味辛甘。性大寒無毒。沉也。陰也。其用有二。制大邪。清肺氣。仲景有白虎之名。除胃熱。奪甘食。易老云大寒之劑。

桂

君忌生蔥凡用剉去外皮

桂味辛。性熱有毒。浮也。陽中之陽也。氣之薄者桂枝也。氣之厚者肉桂也。氣薄則發洩。桂枝上行而發表。氣厚則發熱。肉桂下行而補腎。此天地親上親下之道也。

細辛

臣惡狼毒山茱萸黃蘗畏硝石滑石反藜蘆

細辛味辛。性溫無毒。升也。陽也。其用有二。止少陰合病之頭痛。散三陽數變之風邪。

梔子

梔子味苦。性大寒無毒。沉也。陰也。其用有三。療心中懊懣顛倒而不得眠。治臍下血滯。小便而不得利。易老有云。輕飄而象肺。色赤而象火。又能瀉肺中之火。

葛根

臣制野葛巴豆百藥

葛根味甘平。性寒無毒。可升可降。陽中之陽也。其用有四。發傷寒之表邪。止胃虛之消渴。解中酒之寄毒。治往來之溫瘧。

枯萋根

枸杞為之使惡乾姜畏牛膝反烏豆

枯萋根味苦。性寒無毒。沉也。陰也。其用有二。止渴退煩熱。補虛通月經。

猪苓

猪苓味淡甘平。性温無毒。降也。陽中之陰也。其用有二。除濕腫體用兼備。利小水氣味俱長。

乾姜

臣惡黃芩黃連

乾姜生則味辛。炮則味苦。可升可降。陽也。其用有二。生則逐寒邪而發表。炮則除胃冷而温中。

草龍膽

貫衆為之使惡防葵地黃

草龍膽味苦。性寒無毒。沉也。陰也。其用有二。退肝經之邪熱。除下焦之濕腫。

蘇木

蘇木味甘鹹平。性寒無毒。可升可降。陰也。其用有二。破瘡瘍死血。非此無功。除產後敗血。用之立驗。

杜仲

惡蛇蛻玄參凡用炒去絲

杜仲味辛甘平。性温無毒。降也。陽也。其用有二。強志壯筋骨。滋腎止腰痛。酥炙去其絲。功效如神應。

天門冬

君畏曾青凡用去皮心忌食鯉魚

天門冬味苦平。性大寒無毒。升也。陰也。其用有二。保肺氣。不被熱擾。定喘促。陡得康寧。

麥門冬 君惡疑冬花苦錄畏苦參凡用抽去心不令人煩

麥門冬味甘平。性寒無毒。降也。陽中之陰也。其用有四。退肺中隱伏之火。生肺中不足之金。止燥煩。陰得其養。補虛勞。熱不能侵。

木通

木通味甘平。性寒無毒。降也。陽中之陰也。其用有二。瀉小腸火積而不散。利小便熱閉而不通。瀉小腸火。無他藥可比。利小便閉。與琥珀同功。

地骨皮 去骨用根皮

地骨皮味苦平。性寒無毒。升也。陰也。其用有二。療在表無定之風邪。主傳屍有汗之骨蒸。

桑白皮

桑白皮味甘。性寒無毒。可升可降。陽中之陰也。其用有二。益元氣不足而補虛勞。瀉肺氣有餘而止咳嗽。

甘菊花 野菊花味苦者名苦薏大傷胃不宜用又白菊花亦入藥

甘菊花味甘平。性微寒。無毒。可升可降。陰中之陽也。其用有二。散八風上注之頭眩。止兩目欲脫之淚出。

紅花

紅花味辛。性溫無毒。陽也。其用有四。逐腹中惡血。而補血虛之血。除產後敗血。而止血暈之血。

赤石脂

赤石脂味甘酸。性溫無毒。降也。陽中之陰也。其用有二。固腸胃有收斂之能。下胎衣無推蕩之峻。

通草

臣

通草味甘平。性微寒。無毒。降也。陽中之陰也。其用有二。陰竅濇而不利。水腫閉而不行。瀆閉兩俱立驗。因有通草之名。

烏梅

烏梅味酸平。性溫無毒。可升可降。陰也。其用有二。收肺氣除煩止渴。主淺痢調胃和中。

川椒

雷公藥性賦 卷一
川椒味辛。性大熱有毒。浮也。陽中之陽也。其用有二。用之於上。退兩目之翳膜。用之於下。除六腑之沉寒。

姜蕤

姜蕤味甘平。性溫無毒。降也。陽中之陰也。其用有四。風淫四肢不和。淚出兩目皆爛。男子濕注腰疼。女子面生黑點。皆能治療。

秦皮

大戟為之使
惡吳茱萸

秦皮味苦。性寒無毒。沉也。陰也。其用有四。風寒邪合濕成痺。青白色幻翳遮睛。女子崩中帶下。小兒風熱驚癇。

白頭翁

白頭翁味苦。性溫無毒。可升可降。陰中之陽也。其用有四。傳男子陰疝偏腫。治小兒頭禿羶腥。鼻衄非此不効。痢赤全賴收功。

牡蠣

牡蠣味鹹平。性寒無毒。可升可降。陰也。其用有四。男子夢寐遺精。女子赤白崩中。榮衛往來虛熱。便滑大小腸同。

乾漆

臣畏雞子又忌油脂見蟹黃
則化水凡入藥搗碎炒用

乾漆味辛平。性溫有毒。降也。陽中之陰也。其用有二。削年深堅結之沉積。破日久秘結之瘀血。

南星

南星味苦辛。性溫有毒。可升可降。陰中之陽也。其用有二。墜中風不省之痰毒。主破傷如屍之身強。

商陸

使忌
犬肉

商陸味酸辛平。性寒有毒。降也。陽中之陰也。其味酸辛。其形類人。其用療水。其效如神。

葶藶

葶藶味苦。性寒無毒。沉也。陰中之陰也。其用有四。除週身之浮腫。逐膀胱之留熱。定肺氣之喘促。療積飲之痰厥。

海藻

臣反
甘草

海藻味苦。性寒無毒。沉也。陰中之陰也。其用有二。利水道通閉結之便。洩水氣消遍身之腫。

竹葉

筴竹夫竹為上苦
竹次之餘不入藥

竹葉味苦辛平。性寒無毒。可升可降。陽中之陰也。其用有二。辟除新舊風邪之煩熱。能止喘促氣盛之上衝。

葱白忌與蜜同食

葱白味辛。性溫無毒。升也。陽也。其用有二。散傷風陽明頭痛之邪。主傷寒陽明下痢之苦。

天麻

其苗名定風草

天麻味辛平。性溫無毒。降也。陽也。其用有四。療大人風熱頭眩。治小兒風癩驚悸。祛諸風麻痺不仁。主癱瘓語言不遂。

大棗

大棗味甘平。性溫無毒。降也。陽也。其用有二。助脈強神。大和脾胃。

威靈仙

忌茗及麪湯

威靈仙味苦。性溫無毒。可升可降。陰中之陽也。其用有四。推腹中新舊之滯。消胸中痰唾之痞。散疴癢皮膚之風。利冷疼腰膝之氣。

鼠黏子

鼠黏子味辛平。性微寒無毒。降也。陽也。其用有四。主風濕癭疹盈肌。退寒熱咽喉下

利散諸種瘍瘡之毒利凝滯腰膝之氣

草豆蔻

麩包煨
熟用

草豆蔻味辛。性溫無毒。浮也。陽也。其用有二。去脾胃積滯之寒邪。止心腹新舊之疼痛。

玄胡索

玄胡索味苦辛。性溫無毒。可升可降。陰中之陽也。其用有二。活精血能療產後之疾。調月水亦主胎前之症。

以上凡藥九十品。各賦以短章。既明以升降浮沉。復主以君臣佐使。或一味而內外兼攻。各係陰陽表裡。或一物而生熟互異。更分暑濕風寒。辭簡意周。幾無餘韻。誠發前篇之所未盡也。其可不熟讀而詳記之乎。

用藥須知

用藥法象

天有陰陽。風寒暑濕燥火。三陽三陰上奉之。溫涼寒熱四氣是也。溫熱者天

之陽也。寒涼者天之陰也。此乃天地之陰陽也。

地有陰陽。金木水火土。生長化收藏下應之。辛甘淡酸苦鹹五味是也。辛甘

淡者地之陽也。酸鹹苦者地之陰也。此乃地之陰陽也。

陰中有陽陽中有陰

平旦至日中。

天之陽。陽中之陽也。

日中至黃昏。

天之陽。陽中之陰也。

合夜至雞鳴。

天之陰。陰中之陰也。

雞鳴至平旦。

天之陰。陰中之陽也。

故人亦應之。人身之陰陽。外為陽。內為陰。背為陽。腹為陰。臟為陰。腑為陽。心肝脾肺腎五臟為陰。胆胃大腸小腸膀胱三焦六腑為陽。所以知陰中之陰。陽中之陽者。何也。如冬病在陰。夏病在陽。春病在陽。秋病在陰。知其所在。則施鍼藥也。

背為陽。陽中之陽。心也。

背為陽。陽中之陰。肺也。

腹為陰。陰中之陰。腎也。

腹為陰。陰中之陽。肝也。

腹為陰。陰中之至陰。脾也。

此係陰陽表裡內外雌雄相輪應也。

四時用藥法

不問所病。或溫或涼。或熱或寒。如春時有疾。於所用藥內。加清涼之藥。夏月有疾。加大寒之藥。秋月有疾。加溫氣之藥。冬月有疾。加大熱之藥。是不絕生化之源也。內經曰。必先歲氣。無伐天和。是為至治。又曰。無違時。無伐化。又曰。無伐生生之氣。此皆常道用藥之法。若反其常道。而變生異症矣。則當從權施治。

用藥丸散

仲景云。劉如麻豆大。與咬咀同意。夫咬咀者。古之製也。古無鉄刀。以口咬細。今如麻

豆為粗藥。煎之使藥水清。飲於腹中。則易升易散也。此所謂咬咀也。今人以刀器割如麻豆大。此咬咀之易成也。若一槩為細末。不清濁矣。經云。清陽發腠理。濁陰走五臟。果何謂也。又曰。清陽實四肢。濁陰歸六腑是也。咬咀之法。取汁清易循行經絡故也。若治至高之病。加酒煎。去濕加生薑煎。補元氣以大棗煎。發散風寒以葱白煎。去膈上病以蜜煎。散者細末也。不循經絡。止去膈上病。及臟腑之病。氣味厚者煎服。去滓。但服藥丸者。去下部之疾。其丸極大。而光且圓。治中焦者。次之。治上焦者。則極小。稠糊麩丸者。取其遲化。直至下焦。或酒或醋丸者。取其收散之意也。用半夏南星。或去濕者。以薑汁煮糊為丸。制其毒也。稀糊丸者。取其易化也。水浸一宿。炊餅為丸。及滴水為丸者。皆取易化也。煉蜜為丸者。取其遲化。而氣循經絡也。用蠟為丸者。取其難化。而旋施功也。大抵湯者蕩也。去久病者用之。散者散也。去急病者用之。丸者緩也。不能速去其病。用藥舒緩而治之矣。

藥本五味歌

酸為木。化氣本溫。能收能澀。利肝經。苦為火。化氣終熱。能燥能堅。心臟下。甘始土。生氣化濕。能開緩。操從脾行。辛自金。生氣帶燥。能開潤瀉。通肺竅。鹹從水。化氣生寒。下走軟堅。足腎道。淡味方為五行本。運用須知造化要。

炮製藥歌

計六首

芫花本利水非醋不能通。菘豆本解毒帶殼不見功。草果消膨效連殼。反脹胸黑丑。生利水。遠志苗毒逢。蒲黃生通血。熟補血。運通地。榆醫血。藥連梢。不佳紅。陳皮專理氣。留白補胃中。附子救陰症。生用走皮風。草烏解風痺。生用使人蒙。人言燒燬用。諸石火烜紅。入醋堪研末。製度必須工。川芎炒去油。生用癩痛攻。炮製當依法。方能專化工。

知母桑皮天麥門。首烏生熟地。黃分偏。宜竹片銅刀切。鉄器臨之便不馴。烏藥門冬巴戟天。蓮心遠志五般全。並宜剔去心。方妙否則令人煩躁添。厚朴猪苓與茯苓。桑皮更有外皮生。四般最忌連皮用。去淨方能不耗神。益智火麻栢子仁。更加草果四般論。並宜去殼方為効。不去令人心痞增。何物還須湯炮之。蒼朮半夏與陳皮。更宜酒洗亦三味。茯苓地黃及當歸。

妊娠服藥禁歌

斑蝥水蛭及蟲虫。烏頭附子配天雄。野葛水銀并巴豆。牛膝薏苡與蜈蚣。三稜芫花。伐赭麝。大戟蟬蛻黃雌雄。牙硝芒硝牡丹桂。槐花牽牛皂角同。半夏南星與通草。瞿麥乾姜桃仁通。礪砂乾漆蟹爪甲。地膽茅根都失中。

珍珠囊指掌補遺藥性賦

卷三

玉石部

藥能治病。醫乃傳方。當明藥品貴賤良毒之異。須嘗氣味酸鹹苦辣辛甘。○切以金銀珠玉之貴。白堊石灰之賤。藥性之良。則丹砂鍾乳。氣毒則信石礪砂。至於五味酸入肝。鹹入腎。苦入心。辛入肺。甘入脾。辣則有溫涼寒熱之異。

功力有急緩。性質有溫涼。○如朴硝之性急。若煎作芒硝。性乃緩慢矣。

本草之作。肇始炎皇。○肇即始也。炎皇神農氏也。本草之為書。由神農嘗百草。一日而遭七十毒。始興醫藥相救。謂之本草。

未言草木之品彙。且提玉石之紀綱。○倣本草圖經。以玉石部為先。而草木之品次之。

金屑玉屑。辰砂石床。能驅邪而逼鬼祟。可定魄而制顛狂。止渴除煩。安鎮靈臺。明眼目。補精益氣。依經錄服。壽延長。○金屑味辛平有毒。處處有之。梁益甯州最多。出水砂中。得屑謂之生金。若不鍊服之。殺人。○玉屑味甘平无毒。生藍田。○丹砂一

名硃砂。味甘微寒。无毒。唯辰州者最佳。故謂之辰砂。生深山石崖間。穴地數十尺。始見其苗。乃白石耳。謂之硃砂床。乃石床也。砂生石床上。亦有淘土石中得之。非生於石者。○又按本草。石床自有本條。味甘温。无毒。謂鍾乳水下凝積。生如筍狀。漸長久。與上乳相接為柱。出鍾乳堂中。謂之石床。人心謂之靈臺。金屑玉屑辰砂石床。四品之性。主治相同。皆可依圖經法鍊服食。則延年不老。

生銀屑鎮驚安五臟。鍾乳粉補虛而助陽。○銀屑味辛平。有毒。生銀屑當取見成銀箔。以水銀消之為泥。合硝石及鹽研為粉。燒出水銀。淘去鹽石。為粉極細用之。○石鍾乳味甘温。無毒。道州者佳。須鍊服之。不然使人病淋。治效嗽。行乳道。補髓添精。強陽道。益肺家。

代赭石能墮胎。而可攻崩漏。伏龍肝治難產。而吐血尤良。○代赭石用火煨。醋淬七遍。研水飛。味甘寒。無毒。出代州。其色赤。故名代赭石。養血氣。強精辟邪。畏天雄附子。○伏龍肝。即灶中土也。味辛温。微毒。消癰腫。催生下胞。止血崩。

雲母補勞傷。兼明目。水銀除疥。蝨與瘡瘍。○雲母石味甘平。無毒。安五臟。堅肌止痢。局方有法煎雲母膏。治癰疽惡毒等瘡。○水銀即硃砂液。能消化金銀。使成泥。味辛寒。有毒。一名汞。畏磁石。難產可用催生。

治風喉。理鼻息。功全礬石。止漏下。破癥結。用禹餘糧。○礬石味酸寒。無毒。出晉州者佳。化痰止痢。攻陰蝕諸瘡漏。煨過謂之枯礬。亦可生用。○禹餘糧火煨。醋淬七遍。搗細水飛。味甘寒平。死毒。出潞州。形如鵝鴨卵。外有殼。重疊者是。其中有黃細末。如蒲黃者。謂之石中黃。

朴硝閉積。聚化停痰。煎作芒硝。功却緩。硝石止煩躁。除熱毒。煉之須掃地邊霜。○朴硝味苦辛。大寒。無毒。生益州。初採掃得一煎而成。故曰朴硝。再取朴硝淋汁。煉之。有細芒者。謂之芒硝。專治傷寒。硝石味辛苦寒。無毒。即掃地霜淋汁煉成者。

打破腫神。得空青而依然。復舊胎空之孕。紫石英有再弄之璋。○空青味甘酸寒。無毒。生於有銅處。銅精氣熏則生。今信州時有之。其腹中空。破之有漿者。絕難得。大者如雞子。小者如豆子。治眼翳障為最要。又有曾青。出銅處。色理亦無異。但其彩纍纍連珠相綴。其中不空。與空青功效不相上下。○紫石英味甘辛溫。無毒。專治女子風寒在子宮。絕孕十年無子。又有白石英。治風濕痺。安魂魄。強陰道。黃赤黑色。皆不入藥。

熱渴當求寒水。石壯陽須索石。硫黃○寒水石。一名凝水石。味甘寒。無毒。出汾州及

邯鄲。即鹽之精也。治火燒丹毒。能解巴豆毒。畏地榆。○硫黃味酸性溫。大熱有毒。出廣州。治疥蟲蠹瘡。堅筋。療老人風秘。

腎臟既衰。煨磁石而強陽道。膀胱不利。炒食鹽以熨臍旁。○磁石味辛。鹹寒無毒。有鐵處則生。惡牡丹皮。畏黃石脂。能吸鐵。補益勞傷。兼治耳聾。○食鹽味鹹溫無毒。解州者勝。治霍亂痰癖。可用吐之。

水銀飛煉成輕粉。殺諸疥癬。善治兒疳。石灰風化方為勝。不堪服食。可療金瘡。○輕粉即水銀粉。味辛冷無毒。畏磁石。忌一切血。○五月五日採百草搗汁。調煨過石。灰末作團陰乾。專治金瘡刀斧傷處。不堪入藥。

石膏發汗解肌。去風寒。熱滑石除煩止渴。快利小腸。○石膏味甘辛。大寒無毒。與方解石相類。須用細理白澤者。真治頭疼。解肌發汗。黃色者服之。使人淋。○滑石味甘寒無毒。用白色軟嫩者佳。能益精除熱。療女人產難。

殺三蟲。破癥結。胡粉一名為粉錫。欽金瘡。淘眼暗。銅青銅綠竟無雙。○胡粉一名粉錫。一名定粉。俗名光粉。即今化鉛所作。婦人容面者。味辛寒無毒。○銅青銅綠以醋沃銅上即生。乃銅之精華也。微有毒。不堪入藥。

吐痰抵痔。蜜陀僧兼抹。點斑隨手沒。生肌止痛無名異。折傷可理并金傷。○蜜陀僧

即煨銀爐底也。味酸辛有毒。○無名異味甘平無毒。金傷謂刀斧傷也。

礪砂攻喉痺。止嗽消痰。真有理。膽礪除熱毒。諸癩疾氣盡消詳。○礪砂一名蓬砂。味苦辛。煖無毒。出南番。色重褐。其味和。其效速。出西戎者。其色白。其味雜。其功緩。不堪入藥。作金銀錫藥用之。○膽礪圖經作石膽。味酸辛。寒有毒。信州有之。生於銅坑中。採得煎煉而成。消熱毒。療諸風癱瘓。可吐風痰。

伏火靈砂辟鬼邪。安魂魄。明目鎮心。通血脈。藏泥白堊。除洩痢。破癥瘕。瀉精止漏。又為良。○靈砂一名二氣砂。用水銀一兩。硫黃六銖。研細二味。先同炒作青砂頭。後入水火既濟爐中抽之。如束針紋者成就也。惡磁石。畏酸水。○白堊即善土。味苦辛。溫無毒。處處有之。採無時。

石燕治淋。催難產。黑鉛安鎮。虺蛇創。○石燕產零陵州。形似蚘。其實石也。性涼無毒。女人產難。兩手各握一枚。胎立出。○黑鉛味甘無毒。有銀坑處皆有。粉錫胡粉光粉。皆化鉛所作。又鉛白霜。以作鉛水銀鍊作片。置醋釀中密封。經久成霜。謂之鉛白霜。性極冷。治創傷也。創平聲。與瘡同。

黃丹乃是熬鉛作生肌止痛。礪石特生非常熱。養就丹方。○黃丹圖經作鉛丹。又名號丹。用時炒令赤色。研末。味辛微溫無毒。止吐逆。療癩癩。傳金瘡良。○礪石俗呼

鎮風石味辛甘。大熱有毒。嚴寒置水中。令水不冰。性堅硬而拒火。燒之一日夜方解散。攻擊積聚痼冷之病最良。須真者。必取鸛巢中團卵。而助煖氣者方真。乃修真煉丹之藥品。

血暈昏迷。法鍊廣生花蕊石。折傷排膿。火燒醋淬。自然銅。○花蕊石出陝州閿鄉縣。性至堅硬。保金瘡止血。局方以硫黃合和花蕊石。如法鍊成。專治產後血暈。去惡血。○自然銅味辛平無毒。出銅處有之。形方而大小不等。似銅寶石。也不從礦煉。自然而生。故曰自然銅也。

礪砂能破癥瘕積聚。若還生用爛心腸。信石可吐膈內風痰。倘中其毒。促人亡。○礪砂味鹹苦辛溫有毒。能消五金。入口腐人腸胃。生服之化人心為血。○信石圖經名砒霜。信州者佳。故名信石。味苦酸有大毒。主諸瘡風痰在胸膈。可作吐藥用。不可多服。能傷人命。若誤中礪砂砒霜二毒。急宜冷水調菜豆汁飲之。可解。

梁上塵消軟癰通喉噎。橫生立產。井泉石性寒涼。攻火熱。除翳神方。○梁上塵一名烏龍尾。性微寒無毒。凡使須去烟火。遠高堂佛殿上者。拂下篩而用之。○井泉石性大寒無毒。處處有之。以饒陽郡者為勝。得菊花梔子最良。

除痼冷止頭疼。無遺太陰玄精石。安心志。制癲狂。誰知鐵粉和鐵漿。○玄精石出解

州解縣。今解地積鹽倉中方有之。其色青白。龜背者良。味鹹溫無毒。○鐵味甘無毒。取鐵浸之。經久色青。沫出可染皂者。為鐵漿。治癩狂。鐵拍作片。段置醋糟中。積久生衣。刮取為鐵粉。能安心志。

雄黃能殺虺蛇毒。妊娠佩帶。轉生男子。鍊之久。服自身輕。要生女子。佩帶雌黃。○雄黃雌黃。同山所生。山陽處生雄黃。山陰生金處。金精重則生雌黃。婦人覺有孕。以雄黃二兩。絳囊盛帶之。可轉女為男。以雌黃半兩。素囊盛帶之。可轉男為女。雌黃煉服。久則輕身。可入仙家。

備金石之品味治病得以推詳。○總括上文諸藥。悉可對證而施治也。

草部上

觀夫天生烝民。地生百草。人生不無扎瘡之常。以致病於壽夭。草有治病之功。用別花苗實腦。○烝衆也。實即子。腦即根。各有所宜也。

菖蒲開心明目。目去濕痺。風寒菊花消濕散痺。風主頭眩痛攪。○菖蒲一名昌陽。須用生石磧上。一寸九節者最良。味辛溫無毒。○菊花味苦甘平無毒。主胸中煩熱。明目聰耳。

治渴補虛。安五藏快覓人參。溫中解毒。性平和無如國老。○人參一曰人蔘。味

甘微寒無毒。反藜蘆。○甘草味甘平無毒。主解百毒。為眾藥之主。故號國老。反大戟。芫花。甘遂。海藻。

白朮益脾止瀉。嘔若動氣不宜。蒼朮平胃。壓山嵐。用米泔浸炒。○白朮味甘辛無毒。主風寒濕痺。益脾胃。補虛勞。消腫。傷寒有動氣者不宜服。○蒼朮用米泔浸一宿。換泔浸。炒乾去皮。味苦甘辛無毒。治傷寒痺痛。溫瘧。可發散。

生地黄能行血。兼止吐衄折傷。熟地黄能補血。更治虛勞焦躁。○生地黄大寒。亦治產後血攻心。及女人經水閉絕。○熟地黄淨洗酒浸。蒸兩三次。焙乾。味甘苦溫無毒。熟乾則溫補。生乾則平宣。熟者止崩漏。安魂魄。治驚悸。補內傷。

天門冬鎮心止吐血衄血。性寒而能補大虛。麥門冬解渴開結。益心腸。勞熱可除。煩可保。○天門冬味苦甘平。大寒無毒。悅人顏色。○麥門冬味甘平。微寒無毒。二味並抽去心。焙乾用。

地膚子。車前子。除熱去風。明眼目。能使膀胱水穀分。免絲子。巴戟天。添精補髓。主延年。解去癯。痰誠有效。○地膚子即落帚子。味苦寒無毒。○車前子味甘鹹寒無毒。能滑胎。止瀉利。○免絲子味辛平無毒。水洗澄去砂土。酒浸一宿。蒸過。乘熱搗成膏。焙乾。再入藥。方可研末。○巴戟天須連珠者。去心。酒浸。焙乾。味辛甘。微溫無毒。除

風強筋益力。治夢與鬼相交。

牛膝補虛攣膝痛。月經若閉亦能通。柴胡去熱治勞傷。主療傷寒功力到。○牛膝為君。味苦酸平無毒。○柴胡味苦平辛。微寒無毒。治濕痺拘攣。可用煎湯浴之。下氣消痰止渴。傷寒為要藥。

草決明瀉肝熱。明目驅風兼鼻淵。龍膽草益肝虛。驚惕無憂疔蟲掃。○草決明味鹹

苦甘平。微寒無毒。○龍膽草味苦寒無毒。益肝明目最治疔。

菴闍子性苦寒。風寒濕痺水皆寬。茵陳蒿性苦冷。時氣發黃淋可導。○菴闍處處有。之味苦微寒無毒。久服輕身明目。○茵陳蒿味苦平。微寒無毒。治淋難小便閉塞不通。

遠志一名小草。堪收夢裡遺精。黃精俗字山薑。久服延年不老。○遠志要去骨。以甘草湯浸煮。炒乾。味苦溫無毒。苗名小草。一似麻黃。但無節。令人生智慧。定心驚。○黃精俗呼山薑。為味甘平無毒。然與鉤吻相似。但一善一惡。要仔細辨認。切勿誤用。鉤吻則傷人至死。故謂之鉤吻。

北五味補虛下氣。止嗽強筋。南木香止痢健脾。氣疼是寶。○五味子味酸甘鹹苦辛。故名五味。性溫無毒。止渴消酒毒。○木香形如枯骨者佳。不見火。味辛溫無毒。去

膀胱冷氣除癥瘕止瀉痢。

金瘡止血王不留行。是名剪金花。風癬赤丹。本草景天。即是慎火草。○王不留行味苦平無毒。可催生產。利月經。○景天味苦酸平無毒。主勞煩大熱瘡。女人漏下用花良。

絡石治癰瘡。消熱毒。苗似龍鱗。川芎醫頭痛。主筋攣。形如雀腦。○絡石為君。即石鱗。又名龍鱗。薜荔味苦溫微寒無毒。畏貝母。菖蒲。○川芎亦名川芎。明目瘡家止痛。味辛溫無毒。靡蕪即其苗也。白芷為之使。

金釵石斛能使元陽壯。腰疼膝痛並皆驅。鬼臉升麻能教百毒消。癩疽斑瘡寧可較。石斛草味甘平無毒。入腎壯陽平胃氣。○升麻味苦平。微寒無毒。能解一切毒。除濕去風。為傷寒時氣之要藥也。

煙塵續斷安胎產。療金瘡速不可遲。染絳茜根理風寒。止吐血須宜乎早。○續斷味苦辛。微寒無毒。最能接骨。因名續斷。○茜根一作蒨。即今染絳茜根也。味苦微寒。解中蠱毒。

虺床蛇床同一種。治風濕癢及陰瘡。羌活獨活本來同。頭痛筋攣風氣撓。○虺床即蛇床。味苦辛甘平無毒。○羌活獨活本同類。但紫色而節密者為羌活。黃色而作

塊者為獨活。味苦甘平。微溫無毒。

細辛。著預能溫中下氣。仍主腦腰疼。薏苡。萎蕤。治痺弱筋攣。並醫風濕症。○細辛。味辛溫無毒。主拘攣風痺。明目破癩。治婦人血閉。○薯蕷。俗名山藥。味甘溫平無毒。補心氣不足。鎮心神。○薏苡仁。味甘寒無毒。主肺氣肺癰。○萎蕤。葉似黃精。味甘平無毒。切勿誤用。鉤吻則傷人。

止渴補虛收盜汗。黃耆。奏莫大之功。消癰散腫。有高能。忍冬。是至賤之草。○黃耆。味甘微溫無毒。主虛勞強筋。治耳聾止痛排膿。○忍冬草。即鷺鷥藤。又名金銀花。其蔓左纏。亦名左纏藤。味甘溫無毒。今處處有之。

澤瀉。會除諸般瀉。拜渴疏淋。防風。主治一切風。仍蠲痛腦。○澤瀉。味甘鹹寒無毒。止洩精。逐膀胱水。多服令人眼病。○防風。味甘辛溫無毒。能解附子毒。明目止汗。療崩。蒺藜。陰痛煎湯。頭痛煎酒。蒲黃。行血用生。止血用炒。○蒺藜。味苦辛溫微寒無毒。破血催生。若風瘡陰瘡。煎湯作浴。頭痛煎酒服。○蒲黃。味甘平無毒。生則味滑。炒熟則味澀。

菴菴。扶女子陰絕。興男子陽絕。補精養腎。生自馬精。黃連。理大人諸熱。却小兒疳熱。止痢厚腸。貴稱鷹爪。○肉菴菴。味甘酸鹹微寒無毒。言是馬精落地所生。生時似

肉。作羹補虛最佳。○黃連味苦寒無毒。點眼可除熱。更治消中口瘡。良

漏蘆行乳汁。消瘰癧。腸風。丹參補胎氣。利月經為吉。○漏蘆味酸鹹寒。無毒。醫瘡瘍

療眼。理損傷。續筋骨。○丹參味苦微寒無毒。除積聚。破癥瘕。益氣去煩滿。一名赤參。

更分佐使君臣。是曰神聖功巧。○望而知之謂神。聞而知之謂聖。問而知之謂功。切

而知之謂巧。望聞問切。是謂醫家之四知。

草部中

抑又聞芍藥苦平。赤者破血通經。而白者可安胎止痛。辛薑大熱。生則嘔家聖藥。而

乾者除霍亂肚疼。○芍藥為臣。味苦酸平。微寒有小毒。惡石斛。芒硝。畏硝石。反藜

蘆。芍有赤白二種。白者補虛止汗。赤者除熱明目。○薑為使。有生用。有乾用。乾者

味辛溫。大熱無毒。溫中止血。逐痺風濕。生者味辛微溫無毒。處處有之。用熱即去

皮。用冷即留皮。發散傷寒。下氣為嘔家聖藥。

葛根止渴解醒。發散傷寒。消熱毒。瞿麥開通關格。宣癆墮子。更催生。○葛根味甘寒

無毒。○瞿麥止用實殼。不用莖葉。味苦寒無毒。

括萋曰天。瓜實治乳癰。根可止渴。蒼耳即蓂耳。子能明目。葉解風纏。○括萋根名天

花粉。味苦寒無毒。即瓜萋。○蒼耳味甘溫。有小毒。今處處有之。主攣痺濕風寒。

玄參攻喉痛。苦參攻腸風。並可消痺破癥結。貝母人面瘡。知母潤心肺。皆能止嗽理傷寒。○玄參即山麻。味苦鹹微寒。無毒。今處處有之。除風濕。明眼目。○苦參味苦寒。無毒。殺疔蟲。治瘡毒。○貝母味辛苦平。微寒。無毒。專治腿膝人面瘡。及諸癰毒。○知母味苦寒。無毒。除熱止渴。

白薇本消淋露。更治風狂。並除溫瘧。白芷能除血崩。專攻頭痛。亦用排膿。○白薇味苦鹹平。大寒。無毒。如葱管者佳。○白芷味辛溫。無毒。專治蛇咬。研末摻咬處。或搗汁浸傷處。並效。

當歸主血補虛勞。止血用頭。破血用尾。麻黃發散。攻頭痛。發汗用葉。止汗用根。○當歸酒浸焙。味苦辛溫。無毒。○麻黃味苦溫。無毒。

大薊功同小薊。治癰腫。血崩吐衄。小青不如大青。瘡傷寒熱毒時行。○大薊小薊味甘溫。今處處有之。○大青小青味苦大寒。無毒。處處有之。古方只用大青。

京三稜蓬莪朮。破血消癥。甯心脾腹痛。白豆蔻。藜澄茄。溫脾健胃。能消食寬膨。○三稜味苦平。無毒。○莪朮又曰莪。莪味苦平。溫無毒。○白豆蔻味辛大溫。○藜澄茄味辛溫。無毒。

鬱金勝似薑黃。行經下氣。川芎貴乎葉本。頭痛皆痊。○鬱金須用蜀中。如蟬肚者佳。

味苦辛寒無毒。薑黃說見下文。○川芎解見草部上。芎藭下。○藁本俗曰土芎。味辛微寒無毒。主風入四肢。畏青箱子。

前胡柴胡功無優劣。通醫熱病。主療傷寒。○前胡味苦微寒無毒。下氣消痰。推陳致新。安胎止嗽。○柴胡見草部上。

薑黃烈似鬱金。功下氣消癰。通經破血。華撥味如良薑。辣轉筋霍亂。心痛連顛。顛即頭頂也。○薑黃處處有之。味辛苦大寒無毒。○鬱金解見前。○華撥味辛大熱無毒。温中下氣。○高良薑味辛温大熱無毒。

剪草入金瘡之氣。王瓜導乳汁之泉。○剪草味苦平無毒。婺州產者最良。根名白藥。治金瘡。古方以剪草末蜜和。九蒸九晒成膏。可醫一切失血。○王瓜一名落鴉瓜。一名土瓜。結子如彈丸。生青熟赤可噉。閩俗謂之毛桃。其根止渴散癰除疔消癥下血。

通草元來即木通。治淋退疸。蠶寶一名馬蘭子。去濕醫崩。○通草味辛甘平無毒。除寒熱。出音聲。治耳聾。○馬蘭子味甘平温無毒。能去風寒濕痺。

百合寧心。止咳痰有血。秦艽治疸。除勞熱猶能。○百合味甘平無毒。除熱效。攻發背。瘡癰消脹。利大小便。秦艽味苦平微温無毒。消浮腫利小便。

黃芩解熱通淋。女子崩因熱者。紫苑化痰定喘。欬嗽吐有痰紅。○黃芩味苦平。大寒無毒。治黃疸止痢。女子血崩。本性熱者用良。虛寒者不可用。○紫苑茸味苦辛溫。無毒。補虛止渴。安五臟。通結氣滯胸中。紅涎痰中有血膿也。

澤蘭行損傷之血。紫草制痘疹之偏。○澤蘭味苦甘。微溫無毒。消四肢浮腫。攻癰腫排膿。○紫草味苦寒無毒。通九竅。退腫通淋。

石韋透膀胱之便。防己治風熱拘攣。○石韋味苦甘平無毒。去熱除邪。臨用刷去尾。不然令人欬嗽不已。○防己味辛苦平溫無毒。治水腫風腫祛濕止嗽。

肉豆蔻補脾治痢。猶調冷瀉。欵冬花洗肝明目。勞嗽宜遵。○肉豆蔻用麩裏煨熟。味辛溫無毒。解酒消食。調中兼治霍亂。○欵冬花味辛甘溫無毒。定喘消痰。

淫羊藿即仙靈脾。補腎虛與陽絕不起。補骨脂名破故紙。扶腎冷治夢洩精殘。○淫羊藿味辛寒無毒。主治冷風勞氣。○補骨脂味辛大溫無毒。主血氣勞傷。

禁驚熱。煞疳蟲。蘆薈俗呼為象膽。解風纏。宣痘毒。牛蒡元來號鼠黏。○蘆薈味苦寒無毒。以其味苦。故名象膽。主癩癩瘡痔。○牛蒡一名惡實。又名鼠粘。明目消瘡毒。

手足筋攣。味辛平。處處有之。

海藻海帶一般。疝氣癭瘤同有效。水萍雖分三種。熱風隱疹並權衡。○海藻洗去鹹。

水焙乾用。味苦鹹寒無毒。○水萍有三種。止渴治火瘡。通小便。消水氣。味辛鹹寒無毒。

艾葉可生可熟。漏血安胎。嘔吐衄紅還可止。阿魏有真有假。然蟲破積。傳屍亦可保天年。○艾葉處處有之。味苦溫無毒。生者治下痢。止吐血。取汁用之。熟者治漏血。可為丸。灸百病。○阿魏味辛平無毒。難得真者。氣極臭而能止臭氣。

敗醬婦人產後用。酸醬催產易於生。○敗醬味苦。鹹平無毒。因作敗腐豆醬氣。故名敗醬。陳良甫作婦人科方。說是苦薺菜。仲景方治腹癰。○酸醬味酸平寒無毒。處處有之。即酸醬草也。主熱除煩。通淋止崩。產難胞衣不下者。若吞其實即出。

茴香治霍亂轉筋。更通腎氣。昆布消癭瘤結硬水腫為先。○茴香一名懷香子。味辛平無毒。開胃調中得酒良。○昆布味鹹酸。性冷寒無毒。與海藻同科。治癭瘤。

百部除肺熱。年久勞嗽。天麻逐諸風。濕痺拘攣。○百部味苦微寒無毒。治疥癬去風。○天麻味辛平無毒。益氣強筋。苗名赤箭。

牡丹可行經下血。地榆止血痢宜然。○牡丹味辛苦寒無毒。止痛除邪氣。療驚癇中風。續筋補骨破癰。○地榆味苦甘酸微寒無毒。惡麥門冬。止痛排膿。治金瘡。女人帶下良。

香附縮砂消食化氣煖胃溫脾皆婦人要藥。狗脊草薢扶老補虛腰疼脚弱與濕痺牽纏。○香附子即莎草根味甘微寒無毒處處有之。○縮砂去皮取仁用味辛溫無毒止瀉痢炒過除妊娠婦腹痛。○狗脊味苦甘平微溫無毒。○草薢川中者為道地味苦甘平無毒。

紅花本能行血白蘚瘡疥利便。○紅花本草作紅藍花味辛溫無毒主產後血暈昏迷可作胭脂治小兒疳耳。○白蘚皮味苦鹹寒無毒除疔通淋主風癱手足不舉調經水療陰痛。

風寒濕痺腎冷與遺精當知石龍芮勞熱骨蒸兼兒疳驚痢須用胡黃連。○石龍芮味苦平無毒畏蛇蛻菜萸平胃氣主關節不通。○胡黃連味苦平無毒折斷起烟塵者是。

白茅花能止吐衄血玄胡索可截腹心疼。○白茅根味甘寒無毒處處有之通血除煩渴治淋利小便花止吐衄血茅針搗傳金瘡良。○玄胡索味辛溫無毒治女人月水不下行腎氣。

甘松青浴體令香專辟惡氣使君子乃醫蟲藥疳瀉如仙。○甘松味甘溫無毒下氣治心腹痛。○使君子用熱灰中和殼炮去皮殼取肉用味甘溫無毒因郭使君用

此因名使君子。

斯乃稱為中品。是誠藥性鉤玄。

草部下

因知性甘大熱。附子烏雄。可回陽而逐冷。祛風濕而建中。○附子團圓平正。重一兩以上者佳。主心腹冷痛。攻欬逆。破癥結。墮胎。止痢。除風寒濕痺。強陰道。○烏頭與附子同種。以原種之母為烏頭。破積除寒濕。及中風邪惡風。墮胎。攻腹痛。消積飲。○天雄似附子。但身廣長三四寸許。有鬚。性烈一如烏附。逐痺除風助陽。○附子烏雄。味并辛甘溫。大熱有毒。出三建。故名建中。

半夏止吐去痰。有毒。必須薑製。大黃通腸滌熱。快峻。因號將軍。○半夏味辛平。生微寒。熟溫。並有毒。五月夏至生。故名半夏。健脾止嘔。去痰涎。熟令病除。生令人吐。合生薑和煎。方制其毒。○大黃味苦寒。無毒。黃芩為之使。無所畏。宣氣消癰。除結熱。通瘀血。蕩燥屎。推陳致新。性至快。

木賊青箱開眼翳。羊蹄鶴蝮殺三蟲。○木賊味甘。微苦。無毒。攻積塊。腸風下痢。止女人赤白帶。○青箱子味苦。微寒。無毒。即白雞冠花子。主皮膚熱瀉肝熱。去風除癢。癢殺蟲。○羊蹄俗呼為禿菜根。味苦寒。無毒。攻疥癬。治女人陰蝕瘡痔。殺諸蟲。○

鶴虱味苦寒有毒。即火枚草。主蛔蟲咬心痛。

與甘草相刑。甘遂能消腫破癥。大戟利水道。兼除蟲毒。與烏頭相反。白薇治腸風癰腫。白芨破癰疽。並合跟鞞。○甘遂大戟味並苦。甘寒有毒。治病之功。不相上下。故並反甘草。○白斂與白芨味並苦辛甘平無毒。同反烏頭。療疾大同小異。

風攻皮膚。羊躑躅熱生喘。嗽馬兜鈴。○羊躑躅味辛有毒。羊誤食其苗葉。則躑躅而死。故得名。消蟲毒。攻諸痺賊風。○馬兜鈴味苦寒無毒。治肺熱。效嗽喘。促兼癰瘡血痔。其根名土木香。又曰青木香。結子如鈴狀。故名兜鈴。

劉寄奴破血行經。金瘡最妙。續隨子消癥蕩滯。蟲毒尤攻。○劉寄奴味苦溫。治湯火傷及金瘡最妙。因劉裕小名寄奴。取此草以療金瘡得效。故名。○續隨子即聯步。味辛溫有毒。最治蛇傷。

祛風逐痰。白附子刮磨腸垢。白頭翁。○白附子味甘平溫無毒。能行藥勢。主心疼腹痛。○白頭翁處處有之。謂之老翁鬚。根有白茸。故名之。仲景以此嵩治溫瘧。又治金瘡衄血。

何首烏久服延年。可消瘡腫。骨碎折傷。克效。及耳鳴聾。○何首烏味苦澆。微溫無毒。昔有老人姓何。見籐夜交。遂採其根食之。白髮變黑。因此名之。○骨碎補味苦

溫無毒一名糊孫薑。根生緣樹上。能補骨碎折傷。因名之。

瀉肺消痰。下水去浮。葶藶子通經散腫。開喉明目射干功。○葶藶味辛。苦寒無毒。生

道旁。處處有之。有甜苦二種。○射干味苦平。微溫無毒。一名烏扇。俗名仙人掌。

常山吐涎截瘧。良若止搐攔風。○常山味苦辛有毒。形如雞骨者佳。苗名蜀漆。○良

若子。處處有之。味苦辛有毒。一名天仙子。雖云有毒。得甘草升麻即解。

連翹除心熱。破癭瘤。堪行月水。桔梗瀉肺癰。清喉痛。止嗽寬胸。○連翹味苦平無毒。

分大小二種。利小便。嵩治癰疽發背。○桔梗味辛苦。微寒有小毒。又有一種名苦

梗。藥性相同。

海金沙用日中收。攻傷寒熱病。穀精草從田中採。破翳膜遮睛。○海金沙俗名竹園

荑。處處有之。收海金沙以紙攤之。日中曬乾。以枝擊之。其枝葉自然有沙落紙上。旋

收之。嵩利小便。得蓬砂。梔子馬牙硝最良。○穀精草名穀槌草。又曰帶星草。生田

中。味辛溫無毒。治咽喉痺。止齒痛。

紫河車即蚤休。癰瘡至聖。商陸根名樟柳。退腫之宗。○紫河車名金線重樓。味苦微

寒無毒。主治癩癰驚熱。○商陸味辛酸平有毒。赤白二種。白者消水腫。根如人形

者有神。赤者不入藥。

藜蘆為瘡疥之藥。貫眾殺寸白諸蟲。○藜蘆味辛苦寒有毒。俗名山稷。反細辛芍藥。可吐風痰。不入湯藥。嵩主疥蟲瘡瘍。○貫眾味苦微寒有毒。治金瘡。破癥結。止鼻紅。

草蒿一本作青蒿。滅骨蒸勞熱。旋覆花草名。金沸。鈍痰救之鋒。○草蒿味苦寒無毒。處處有之。根苗子葉皆入藥。但各自有用。用子勿用葉。用根勿用苗。四者若齊用。則有損無益。得童便浸尤良。亦可煎湯洗瘡。除疥蟲。○旋覆花味鹹甘溫微冷。有小毒。通膀胱。水去風濕。止嘔。

草麻子善主催生。搗膏敷脚版。威靈仙能消骨鯁。熬汁灌喉嚨。○草麻子味甘辛。有小毒。瘡癢研榨油搽敷。水瘰研服良。○威靈仙味苦溫無毒。主宣氣去冷消痰。療折傷。治諸風。

馬鞭草能通月水。不行破癥瘕之癖。葫蘆巴好補元陽。腎冷逐疝氣之瘕。○馬鞭草味甘苦寒。有小毒。其草穗類鞭梢。因名之。俗謂之鐵掃帚。治濕蠶陰瘡。○葫蘆巴得茴香桃仁同用。逐膀胱疝氣。得硫黃附子同用。嵩補腎經。

萱草治淋。孕帶其花生。男子燈心去熱。燒灰善止夜啼童。○萱草一名鹿葱。其性涼而無毒。處處有之。孕婦佩帶其花。即生男子。故又名宜男草。○燈心性涼。破傷處。

搗敷良

山豆根療咽痛頭瘡五痔金星草治丹毒發背諸癰○山豆根味甘寒無毒消腫毒
止熱嗽○金星草至冬時則皆有黃星點點成行味苦寒無毒解硫黃毒

狼毒驅九種心痛稀蒼掃濕痺諸風○狼毒味辛平有大毒堅而沉水者良主效逆
治蟲疽瘰結痰○稀蒼即火秋草味苦寒有小毒形似鶴虱昔有知州張詠嘗進
此方治諸風

夏枯草最治頭瘡瘰癧瘰癧同可免天南星能下氣風痰腦痛止怔忡○夏枯草
至夏即枯故名味苦辛寒無毒○天南星處處有之味苦辛有毒散血墮胎消癰
腫

退腫消風牽牛子第一諸瘡解毒山茨姑最雄○牽牛子炒過用味苦寒有毒處處
有之下氣通腸利大小便墮胎嵩治腰疼脚痛○山茨菰即鬼燈檠又名金燈花
瘡腫癰疽瘰癧消毒良

仙茅伸氣虛之脚攣補虛堅骨芒根涼小兒之丹毒安護胎宮○仙茅味辛溫無毒
治虛勞逐冷氣益陽堅骨生長精神○芋根補血安胎止渴兼治小兒丹毒
茵芋理熱似瘡屋遊斷劍之蹤○茵芋味苦溫有毒止心腹痛通關節主風寒濕痺

○屋遊即瓦上青苔。味苦寒無毒。逐膀胱水。止皮膚寒熱。
本草編成斯賦。發醫家初學童蒙。

卷四 木部

豈不以勞傷須桂肉。欬汗用桂枝。俱可行經破癖。炒過免墮胎兒。○桂枝甘辛大熱。
有小毒。得人參熟地黄紫石英良。畏生葱。

五痔腸風稱槐角。瘡瘍殺疥羨松脂。○槐角實味酸鹹寒無毒。今處處有之。除熱氣。
主火熱瘡。皮灌漱風疳齒。○松脂味苦甘溫無毒。處處有之。道家服餌。輕身延年。
○松脂味甘溫無毒。可供菜品。葉與根白皮。味苦溫無毒。主辟穀不饑。○松節溫。
治歷節風。

柏葉止血吐崩。要安臟鎮驚。去殼取仁於柏子。枸杞益陽明目。退虛勞寒熱。須用其
根地骨皮。○柏葉味苦微溫無毒。四時各依方向。採取陰乾。用柏白皮。主火燒爛
瘡。○枸杞味苦寒。根大寒。子微寒無毒。處處有之。唯泉州出者佳。

茯苓有赤白二種。赤者通利小便。白者可補虛定悸。乾漆有生熟兩般。生則損人腸
胃。炒熟則通月水。愆期。○茯苓味甘平無毒。多年松根之氣。薰灼而生。有赤白二
種。並除寒熱。止渴消痰。而赤者耑主利小便。分水穀。白者耑補虛定悸。○乾漆味

辛溫有毒。須炒熟用。則無毒。去癥續骨。殺蟲除心氣血痛。

茯神則健志收驚。開心益智。琥珀則鎮心定魄。淋病偏宜。○茯神則茯苓抱根所生者。用須去心中木。味甘平無毒。多益心脾。主風虛。○琥珀味甘平無毒。是松脂入地中。多年則化成。

職掌虛煩。斂汗。必須酸棗。性行通利。消浮。當用榆皮。○酸棗仁味酸平無毒。安五臟。除風痺。能堅骨補中。寧心定志。○榆皮味甘平無毒。性滑。通行大小便。消浮腫。治小兒白禿。下婦人胎元。

攻赤目。清頭風。堅齒輕身。蔓荊子。斂金瘡。除腰痛。治風補血。桑寄生。○蔓荊子味苦辛。微寒。溫無毒。通關節。去寸白蟲。除筋骨中寒熱。○桑寄生一名寓木。味苦甘平無毒。並治崩中。補內傷。胎前產後皆宜用。

瀉痢有功。訶梨勒同名。訶子。頭眩鼻塞。木筆花。乃是辛夷。○訶子味苦溫無毒。開胃進食。清痰。治崩漏。及腸風下血。兼主賁豚冷氣。○辛夷味苦辛無毒。處處有之。南人謂之迎春木。久服輕身耐老。二月開花。色白帶紫。花落無子。至夏復開花。初出如筆。故此人呼為木筆花。主頭眩鼻塞最良。

烏藥。主寬膨順氣。沒藥。主跌撲金瘡。血氣相攻。諸疹共理。秦椒能明目。通喉。蜀椒能

澀精止癘。溫中下氣。風痺同醫。○烏藥味辛溫無毒。處處有之。唯天台產者為勝。俗名旁箕。主心腹痛。補中益氣。攻翻胃。利小便。○沒藥味苦平無毒。按徐表南州記。生波斯國。是彼處松脂也。破血止痛。為產後最宜。推陳致新。理內傷良。○秦椒味辛。生溫熟寒。有毒。攻腹痛。祛風邪。溫中除痺。醋煎灌漱牙疼。○蜀椒去閉口者。味辛大熱有毒。出成都。逐冷風。核名椒目。利水道。

牙痛乳癰。求莽草。腸風崩帶。索椶櫚。○莽草為臣。性有毒。味辛溫。善開喉痺。理諸瘡。療癰。○椶櫚性平無毒。止痢養血。消鼻衄。用燒存性入藥。

巴豆破結宣腸。理心膨水脹。芫花消浮逐水。繫瘤痔當知。○巴豆味辛溫。生溫熟寒。有毒。生巴郡。故名巴豆。性急通利。因名江子。用去皮心膜及油。然後可畏。大黃黃連。○芫花味辛。苦溫有小毒。治欬逆喉鳴痰唾。腰腹心痛。

木鱉治瘡瘍腰痛。有准雷丸殺三蟲。寸白無疑。○木鱉子其形似鱉。故名。味甘溫無毒。治乳癰肛門腫。兼折傷。○雷丸味苦。鹹寒有小毒。白者良。赤者有毒。能殺人。

養腎除風石楠葉。漱牙洗目海桐皮。○石楠葉味辛苦平有毒。利皮毛筋骨病。○海桐皮味苦平無毒。主痢除疥蟲。治風痺痛。

牡荊子治雷頭乳腫。郁李仁蕩浮腫四肢。○牡荊子味苦辛無毒。即黃荊。今官司用。

作笞杖處處有之。主頭風目眩。○郁李仁味酸平無毒。俗名唐棣。通關格。去浮腫。根皮治齒痛風蛀。

密蒙花總為眼科之要領。蘇方木尚調產後之血迷。○密蒙花味甘平。微寒無毒。○蘇方木味甘酸平無毒。尚能破血消癰。及撲損。

楮實補虛明眼目。葉洗癩風。樹生塗癬疥。竹皮刮下止嘔吐。葉解煩躁。燒瀝禦風痰。○

楮實味甘寒無毒。主塗水腫。及陰痿不起。○竹皮多種。取皮止嘔吐者。南人呼為江南竹。味辛平。甘寒無毒。肉薄。今人取作竹瀝者。又謂之淡竹。其葉解煩除效逆。

今方中用淡竹葉。又是一種。叢小葉柔微有毛。其根生子如麥門冬。

檮白皮止痢斷疔。葉汁洗瘡除疥蟲。胡桐泪殺風牙。蛀腹膨脹滿吐。堪施。○檮白皮與椿白皮性同良。但檮木臭。椿木香。味苦有毒。檮木根葉俱良。南北皆有之。兩木最為無鬼。俗呼作虎目樹。○胡桐泪味鹹寒無毒。形似黃礬。得水便消。如硝石也。

結胸散痞寬膨。逐水調風宜。枳殼煩悶通淋解熱。赤眸黃疸用山梔。○枳殼味苦酸。微寒無毒。能攻痔漏。消癰癰。○山梔味苦寒無毒。生於山間者為山梔。人家園圃種蒔者為廣梔。形肥壯可染物。惟緊小者為山梔。方可入藥。

檳榔攻脚氣殺三蟲宣通臟腑厚朴乃溫中除霍亂膨脹堪調○檳榔味辛溫無毒生海南向日曰檳榔形尖如雞心者良向陰曰大腹子平坐如錢頭檳榔下氣除風宣利臟腑逐水消痰破結○厚朴去粗皮姜汁炒過味苦溫無毒須川中厚有紫油者佳通經下氣厚腸胃消穀食安腹中蟲

猪苓消渴利水治傷寒中暑龍腦清頭明目主驚搐小兒○猪苓味甘苦平無毒在土底皮黑作塊似猪糞故名治欬瘡消腫利水止遺精○龍腦味辛苦寒一云溫平無毒其香透頂攻耳聾消風氣通九竅即梅花片腦若服餌過多至兩許則身冷如醉氣絕而非中毒益性寒故也

明目涼肝解熱毋遺黃蘗磨糞下浮行經休缺紫葳○黃蘗俗名黃柏味苦寒無毒除血氣去黃疸治癰瘡祛脾胃熱治女人熱崩○紫葳花一名凌霄花味鹹微寒無毒處處有之治風熱毒及癩證

杜仲堅筋補損傷兼主腎虛腰痛衛茅殺鬼決經閉陰人崩帶也能醫○杜仲味辛甘平無毒折斷多白絲用姜汁和炒去絲良除風冷強心志○衛茅即鬼箭羽味苦寒無毒攻腹癥結

癰腫癥瘕憑虎杖殺蟲砥疔問蕪夷○虎杖俗名班杖根微溫味甘平無毒治傷損

消瘡毒。○蕪夷辛平無毒。逐冷除心痛。兼治皮膚骨節風。殺疥蟲。治癬攻腸風。
麩仁搗膏點眼科。輒除熱赤。皂莢為末搗鼻嚏。應釋妖迷。○麩仁味甘溫微寒無毒。
通結氣鼻紅。○皂莢味辛鹹溫有小毒。亦有數種。或長至一二尺者。唯如猪牙者
良。消痰除嗽。塗腫痛。去頭風。

没石子主痢生肌。染烏髭髮。益智子瀉精益氣。止小便多遺。○没石子即無食子。
味苦溫無毒。出西番。用有竅者良。治陰瘡陰汗。○益智子味辛溫無毒。安神定志。
故謂之益智。

川棟子號金鈴。冷氣膀胱能作主。五倍子名文蛤。腸氣五痔效端殊。○川棟子味苦
寒。有小毒。處處有之。蜀中者良。根皮最殺蛇蟲。○五倍子味酸平無毒。除蠶蟲及
瘡膿。亦可洗眼去風熱。

吳茱萸下氣消痰。提轉筋霍亂。山茱萸添精補腎。治風痺無疑。○吳茱萸味辛溫大
熱。有小毒。處處有之。除欬逆。逐邪風。主脚氣攻心。○山茱萸一名石棗。味酸平微
溫無毒。療耳聾。調女人月水。

桑白皮瀉肺補虛益氣。大腹皮通腸健胃開脾。○桑白皮味甘寒無毒。即桑樹根皮。
利水道。消浮腫。殺寸白蟲。○大腹皮即檳榔大腹子之皮。微溫無毒。嵩下氣分冷。

熱攻心痛

金櫻子冬青子。養精益腎。輕身調和五臟。蘇合香。安息香。辟惡去鬼。殺蟲蠱毒。消除
○金櫻子味酸。濇平。溫無毒。採實搗汁熬膏。久服輕身耐老。○冬青子又名女貞
實。味苦平。無毒。治病與金櫻子同功。○蘇合香味甘。溫無毒。油能辟惡。除溫瘧。久
服令人不生夢。○安息香味辛。苦平。無毒。辟邪煖腎。止遺泄。

秦皮洗眼磨昏。男子添精。婦人收帶。下黃藥通喉。豁痺蛇傷。取效醫馬。是神樞。○秦
皮味苦寒。無毒。治風寒濕痺。○黃藥味苦平。無毒。治惡腫。

苦菜止頭疼。痢生腹痛。同姜煎服。鈎藤蠲痰。瘕瘕兒生。客忤勝禱神祇。○苦菜即茶茗
味甘苦微寒。無毒。除痰下氣。消宿食。○鈎藤味甘苦平。微寒無毒。其形如鈎。故得
名。舒筋活血。

止痛生肌。麒麟竭。舒筋展痺。五加皮。○麒麟竭一名血竭。味鹹平。無毒。除血暈。○五
加皮味辛苦溫。微寒無毒。治風寒濕痺。止心痛。益精神。通疝氣。治陰瘡。小兒幼小
不能行。服之良。

丁香下氣。溫中能益脾。止痛沉香。調中順氣。療痛絞心腹。○丁香味辛溫。無毒。散腫
除風。更治牙痛風牙。○沉香味辛溫。無毒。療腫除風。去水。止霍亂轉筋。壯元陽。辟

惡氣

檀香霍香。止霍亂吐嘔。痛連心腹。乳香楓香。尚消風止痛。瘡毒流離。○檀香性熱無毒。消風腫。腎氣攻心。○霍香味辛微溫。去惡消腫。治吐逆。○乳香味辛熱無毒。辟惡除邪。補精益腎。治諸瘡。攻血氣。○楓香楓樹脂。即白膠香也。治癰瘡。風擦齒痛。去虛浮水氣。味辛平。微有毒。

竺黃理天吊。止驚風。更能清心明目。胡椒能下氣逐風冷。兼除霍亂昏迷。○天竺黃味甘寒無毒。生天竺國。故名。○胡椒味辛溫無毒。去痰止痢。治心腹卒然作痛。此木部之藥性。為後學之繩規。

人部

看方猶看律。意在精詳。用藥如用兵。機毋輕發。草木之性既陳。人物猶宜立訣。○律法度也。齊之以刑。用藥猶用兵。謂醫者乃人之司命。

天靈蓋最主傳尸久病。虛勞熱蒸在骨。○天靈蓋乃死人頂骨。十字解者。此骨是天生。蓋壓一身之骨節。陽人用陰。陰人用陽。味鹹平無毒。主傳尸鬼症人。

熱病及陽毒發狂。當求人糞汁。打撲損傷。並新產快索童男溺。○人糞一名人黃。性寒無毒。專治天行大熱。勞氣骨蒸。燒末水服。解諸毒。為末湯調。治熱病發狂。絞糞。

汁飲之。○童男溺童子小便也。女子者不宜用。主寒熱虛勞。頭疼濕氣。乳汁有點眼之功。棍襠救陰陽之易。○婦人乳汁味甘平無毒。能安五臟。悅皮膚。昔張倉嘗服享壽百餘年。衍義云。乳汁治眼之功何多。蓋人心主血。肝藏血。肝受血則能視。婦人之血上為乳汁。下為月水。用以治目。不亦宜乎。○棍襠即棍褲之當陰處。剪取方圓六七寸許。燒為末服。男子病新瘥而婦人與之交。則男病陰易。女人病新瘥而男子與之交。則女病陽易。小腹絞痛。手足攣。目中生花。頭重不能舉。若不急治。則死。男子病用婦人棍襠。女人病用男子棍襠。以水調服。調諸淋。破瘀血。亂髮元來。即血餘止吐衄。理肺痿。旋垢便是人中白。○血餘乃常人亂髮。燒灰味苦微溫無毒。治癰疽及轉胞。○人中白。即尿桶中澄底垢積之結白者。火上燒灰。最治緊唇。及勞熱傳尸。

禽獸部

蓋言走者屬獸。飛者屬禽。○禽屬陽。身輕故能飛而上。獸屬陰。身重故能走。不能上飛。

鹿角煎膠補瘦羸。又安胎止痛。麝香辟邪而通竅。安客忤癩驚。○鹿角味苦辛。依法

煎煉成膠及霜入藥。用止泄精遺尿。○麝香味辛溫無毒。攻風痊墮胎救產難。定魄安魂。牛黃治風癩驚熱生肌止汗。龍骨止洩痢遺精。○牛黃味苦平。有小毒。除狂躁。治天行。○龍骨味甘平。微溫無毒。治女子崩。止小便遺瀝。療陰瘡。龍齒鎮驚。治癲癩。

牛乳補諸虛。益氣通腸。須求羊酪。獺肝開熱脹。傳尸勞嗽。有驗堪憑。○牛乳味微寒。性平無毒。止渴。○獺肝為君。味辛溫有毒。凡人素有冷氣虛膨者。此二味皆不宜服。

象牙出肉中之刺。熊膽醫痔痢之靈。○象牙味甘平無毒。生煮汁飲之。利小便。燒末止遺精。磨屑傅肉中刺。凡骨鯁者。磨水服即下。更祛勞熱。止風癩。○熊膽味苦寒無毒。然難分真偽。取一粟許。大滴水中。一道如線不散者為真。治天行熱痘諸疖。惡防風地黃。

羚羊角明目去風。可保驚狂。心錯亂。膈膈溫中補腎。何憂夢與鬼交精。○羚羊角味鹹。苦寒無毒。可活胎易產。益氣安心辟邪。○膈膈味鹹。性熱無毒。主驚癩。消宿血。除痰癖氣。

阿膠止血安胎。兼除嗽痢。犀角涼心解毒。殺鬼聞名。○阿膠味甘平。微溫無毒。出阿

縣城北井水。煮取烏驢皮。以阿井水煎成膠。為真。須用一片鹿角同煮。不爾不能成膠也。養肝虛勞極。止四肢酸疼。○犀角味苦。酸鹹無毒。驅風明目。除心熱狂言。又治時行疫癘。

鹿茸益氣補虛。男治洩精。女止崩漏。虎骨驅邪辟惡。男去風毒。女保胎驚。○鹿茸用茄形連頂骨者。味甘酸溫無毒。一云味苦辛。○虎骨性平味辛。微熱無毒。治惡瘡及風痺拘攣。

兔頭骨主頭疼和水燒灰。催產難。牛角鯁治崩帶。燒灰入藥效如神。○兔頭骨味甘平。寒無毒。治頭昏痛。兔骨治熱中消渴。肉不可多食。損人陽氣。孕婦食兔肉生子缺唇。不可與雞肉及生姜同食。○牛角鯁味苦平無毒。消血閉便血。攻冷痢。

瓦雀肉則益氣。卵則強陰。白丁香療潰癰疔腫。雄雞烏者補中。赤者止血。黃脰脰止遺尿難禁。○瓦雀肉味甘溫無毒。雀糞直立者名白丁香。○雄雞肉微溫無毒。烏者補中止痛。赤者止血。治崩。諸雄雞膽微寒。主目不明。心主五邪。血主損傷。肺主耳聾。腸主小便數不禁。肝及左翅毛主陰痿不起。冠血能行乳汁。

蝙蝠經名伏翼。能開黑暗青膜。○伏翼即蝙蝠別名。味鹹無毒。主淋目昏。久服則忘憂。糞名夜明砂。可治疳。

雷公藥性賦 卷四
藥是伐病之斤。醫實司人之命。言醫藥之治病猶斧斤之伐木也。

蟲魚部

抑又聞蠱者為蟲潛者為魚。堪行入藥貴賤何拘。蠱動也。潛伏藏也。

全蝎有毒須當去。能透耳聾療諸風驚搐。蟹螯熟炒不宜生。通淋墮孕宣療痢之疵。
○全蝎宜緊小者佳。味甘辛。須去毒方可用。○蟹螯去足翅以米同炒。至米黃色去米若生用。即令人吐瀉。味辛寒。有大毒。

消水氣去癭瘤。無如海蛤。安心志磨翳障。大喜珍珠。○海蛤味苦。鹹平無毒。治浮腫除痰逆。定喘消煩。○珍珠味寒無毒。出廉州。主潤澤皮膚。悅人顏色。綿包塞耳治聾。

水蛭治癰疽。通經破血。田螺去目熱。反胃堪除。○水蛭即螞蝗。蜚生水中。名水蛭。生草中。名草蛭。生泥中。名泥蛭。並能著人及牛馬股脛間。啞血入藥。當用水蛭之小者佳。此物極難得。死雖久。過經年。得水猶可活。必炒令極黃熟。不爾入人腹生子為害。○田螺性大寒。無毒。不可多食。其肉傳熱瘡。殼主翻胃。汁能醒酒。止渴。田中取者為佳。

鼠婦通月閉。利便癢。仲景將來醫久瘡。蝨蟲破堅癥。磨血積。傷寒方內不曾無。○鼠

婦味酸溫無毒。生人家地上。處處有之。○蝨蟲名土驚。味鹹寒有毒。處處有之。

搜瘰癧驚風明目去毒稱蛇蛻。止嘔斜口眼墮胎點翳捉衣魚。○蛇蛻味鹹苦平無

毒。王纏喉風攻頭瘡癩癧。○衣魚味鹹溫無毒。今處處有之。多見於書卷中。小兒

淋閉用以摩臍及小腹。溺即通。仍可摩瘡。

出箭頭入肉醫附骨鼠瘻。蜣螂便是推車客。補打撲損傷。療兒疳昏眼。蝦蟆本草即

蟾蜍。○蜣螂味鹹寒有毒。療兒驚癩癧風癩。臨用當炙過。勿置水中。令人吐。入藥

去足翅。○蝦蟆肉味辛寒無毒。主邪氣堅癧惡瘡鼠漏。

殺伏尸鬼疰三蟲。地龍俗名蚯蚓。正風賊斜。啞脫肛。蝸牛本是蝘蟪。○地龍味苦無

毒。須用白頸者。良。傷寒狂熱。須用汁。治痢消丹毒。用糞。○蝸牛俗名蜷螺。處處有

之。生砂石垣墻下濕處。亦治背疽。用涎塗抹。

蟻螬點眼醫雜科。割金瘡出肉中刺。蛤蚧傳尸。堪止嗽。兼補肺邪鬼咸驅。○蟻螬味

鹹甘無毒。處處有之。以背行反快於脚。即諸朽木中蠹蟲。但潔白者佳。○蛤蚧一

名守宮。功力全在尾梢。人捕之。即自咬斷其尾。用以法取之。行常一雌一雄相隨。

入藥亦當用成對者良。

牡蠣固漏血遺精補虛主汗。蝨蟲破癥瘕血積。經閉通渠。○牡蠣味酸平微寒無毒。

主痢疾寒熱除驚恐。○蝨蟲味苦。溫寒有毒。啞食牛馬背血者。用須炒熟。除去足翅。方可入藥。

鰻鯉魚退勞熱骨蒸殺蟲愈痔。石龍子除熱淋止血。蜥蜴珠途。○鰻鯉魚味甘有毒。處處有之。雖有毒而能補五臟虛損。消項顯白。駁風熱。煨骨熏蚊蟲則滅。○石龍子與蜥蜴蜈蚣蟻蝮守宮五種相近。

烏賊骨是海螵蛸退弱殺蟲。治崩攻痢。鮫鯉鱗為穿山甲。堪醫瘡癬。鬼魅遭鋤。○海螵蛸味鹹微溫無毒。療陰瘡。治耳聾。其血似墨。能吸波喫墨以溷水。所以自衛。有八足聚生口旁。浮泛於水面。烏見謂其必死欲啄之。則聚足抱烏。拖入水中食之。故名為烏賊魚。○穿山甲性涼有毒。主邪驚治痺。

勞熱骨蒸尊蟹甲。脫肛狐臭尚蜘蛛。○蟹甲味鹹平無毒。處處有之。治崩療瘡。主癩瘕。瘕癩不可與雞子同食。合菟菜食則傷人。○蜘蛛性冷無毒。處處有之。然多種身有毛刺。及五色並薄小者。並不可用。療癰背瘡。蛀牙。兼治口斜。喎僻。善忘者。取網著衣領中。

蟬退消風。斷小兒夜哭之鬼。蝟皮主痔。提腸風下血之徒。○蟬退味鹹。甘寒無毒。亦治婦人產難。小兒驚癇。○蝟皮味苦甘無毒。治疝氣陰蝕瘡。

鯉魚寬胎脹骨止赤白之崩。膽抹青盲赤目。蟹主熱結胸。黃能化漆為水。殼燒集鼠
招鮑。○鯉魚味苦甘寒無毒。止渴消腫。腹有癥瘕之人不可食。○蝮味鹹寒有毒。
爪能破血墮胎。

鯽治腸風下血。宜作鱠。又宜作羹。治痢無分赤白。蛙能破損祛勞。一種水雞為美饌。
嵩補產婦之虛。○鯽味苦溫無毒。燒灰治諸瘡。補胃和中。○蛙味甘寒無毒。殺疰
邪。

蜈蚣開小兒口噤。墮孕婦之胎。更制蛇毒。土狗催胎產難。生罨肉中之刺。退腫須臾。
蜈蚣味辛溫有毒。用當炒熟。主殺三蟲。生則令人吐血。不堪入湯藥。○土狗即螻
蛄。味鹹寒無毒。處處有之。下腫利大小便。解毒潰癰。

石決明瀉肝。黑障青盲。終可決。桑螵蛸補腎洩精。遺溺竟無虞。○石決明味鹹平涼。
無毒。除肺經風熱。○桑螵蛸味鹹甘平無毒。即螳螂子也。用炒黃色。不爾令人洩
瀉。

原蠶蛾主洩精。好強陰道。白殭蠶治諸風口噤。難呼。○蠶蛾雄者有小毒。炒去翅足。
補腎療血。風痺風癱。瘡用蠶沙。○殭蠶炒去絲嘴。味鹹平辛無毒。療驚癇崩漏病。
又除口噤及喉風。

白花蛇主諸風濕痺拘攣兼疥癩五靈脂行經閉昏迷產婦早來治○白花蛇味甘溫鹹有毒主諸風喎斜口眼並大風瘡與烏梢蛇同功○五脂靈即寒號蟲糞也治腸風並冷氣炒之治崩
着意要行斯道潛心細下工夫

果品部

且如果品數端亦分優劣○以果品言之如柿有數種紅者只可生噉烏者可焙乾入藥用其蒂功力俱優白者力薄而功亦劣

入藥當知刑反忌宜性情要辨苦甘冷熱○大棗與生葱相刑不宜合食烏梅與黃精相反豈可同餐如桃杏有雙仁者毒能殺人安石榴味酸者方可入藥苦甘者不宜多食主損齒傷肺又如橘味辛溫柚味苦冷棗味甘熱柿味甘寒之類

橘皮則理氣寬中消痰止咳更可止嘔定吐大棗則養脾扶胃助藥成功又能補氣調脈○陳皮味辛溫無毒主溫脾青者破積聚○大棗味甘平溫無毒

雞豆肉名為芡實輕身長志好止腰痛覆盆子即是蓬蘽益氣強陰養精最利○芡實味甘平無毒補中治痺煎和金櫻子最益人○覆盆子味酸平鹹無毒處處有之補中益腎調和臟腑治風虛損

柿乾止痢瀉腸。生宜解酒渴。止噦。須教用蒂良。黎實除煩引飲。漿可吐風痰。乳婦金瘡如仇賊。○柿乾味甘寒無毒。最潤喉。通耳鼻。○黎實味甘微酸溫無毒。可止噦。不宜多食。主成冷利。乳婦金瘡。尤不可食。

橄欖止渴生津。口唇乾燥。研傅核中仁。石榴舒筋止痢。去腹中蟲。根皮煎汁啜。○橄欖味酸甘溫無毒。消酒毒。○安石榴味甘酸無毒。殼入藥。治筋攣脚痛。攻痢良。

藕實止痢補心。垣節除嘔。莖葉堪止渴。安胎。桃仁通經破癥。結仍輟腰疼。花主下痢膿血。○藕味甘平寒無毒。處處有之。○桃仁去皮尖。味苦甘平無毒。其花通利大小便。

杏仁不用雙仁。通腸潤肺。治效清音。烏梅即是梅實。止渴化痰。痢中莫缺。○杏仁去皮尖及雙仁者。味酸甘無毒。治驚癇腹痺。及產乳金瘡。○烏梅味酸平無毒。下氣調中止渴。治骨蒸勞熱。

宣木瓜治霍亂轉筋。調理脚氣。濕痺伸舒。枇杷葉能止嘔和胃。嵩降肺氣。功全口渴。○宣木瓜味酸溫無毒。消腫強筋骨。止渴。并脚氣攻心。○枇杷葉用布拭去毛炙用。味苦平無毒。主肺風。

胡桃肉肥肌潤肉。撲傷和酒搗來嘗。草果仁益氣溫中。好伴常山攻瘧發。○胡桃肉

味甘平無毒。去痔瘡。消瘰癧。○草果仁味辛溫無毒。溫脾胃。消宿食。解酒毒。攻冷氣。

若能熟此作筌蹄。可洗下工之陋拙。

米穀部

精明米穀。豆麥粟麻。雖民生之日用。充藥料於醫家。○穀入脾。豆入腎。麥入肝。粟入

肺。麻入心。

粳米溫中和胃。秫米能解漆瘡。止渴除煩。須陳倉米。黃豆殺鬼辟邪。黑豆乃堪入藥。若問黃卷。便是豆芽。○米味甘溫無毒。粳即常時所食之米。秫即造酒之糯米。其種數甚多。不可盡述。主除煩斷痢。○豆惟黑者入藥。宜炒熟用。味甘平無毒。其他俱不堪用。

祛胃熱。養腎虛。通利小腸。米粟致長生。填精髓。巨勝子即胡麻。○粟味鹹微寒無毒。治消中。○巨勝子久服之。可長生不老。利大小腸。堅筋快產。主心驚。味甘平無毒。處處有之。即黑芝麻。

赤小豆消水腫虛浮。研塗癰疽。消熱毒。白菟豆治轉筋霍亂。葉傳蛇蟲咬最佳。○赤小豆炒過用。味甘平酸無毒。治消渴。攻脚氣。○白菟豆味甘微寒無毒。消暑解毒。

下氣和中。

小麥止汗養肝。堪除燥熱。大麥主飢消渴。長胃榮華。○大小麥味甘。微寒無毒。麥蘖入藥湯。真個溫中。可知消食。麥麩若調醋。傳撲損處。愈後無瑕。○麥蘖即麥芽也。麩皮也。

去丹風解一切之毒。霍亂吐翻。取粉於菜豆。除浮疽吐一切痰涎。胸膈閉病。摘蒂於甜瓜。○菜豆味甘寒無毒。除熱氣。主頭疼目昏。○甜瓜味苦寒有毒。處處有之。蒂入藥。瓜有赤白二種。入藥當用赤者。言之有準。用之無差。

蔬菜部

既以言之。五穀又當取用蔬菜。葱主頭疼。堪發散。通大小腸。白可安胎止痛。韭補腎。虛益元陽。溫中下氣。子收夢洩遺精。○葱味辛溫無毒。○韭味辛溫微酸無毒。葱韭皆不可多食。昏人精神。又不可與蜜同食。

搗汁止頭疼。喘嗽風痰。萊菔子酒煎噴痘體。自然紅潤。悅胡荽。○萊菔即蘿蔔也。味辛甘無毒。根腦及嫩葉俱可食。煮熟消食和中。下氣去痰癖。肥健人。○胡荽味辛溫無毒。消穀通心竅。補五臟不足。利大小便辟邪。

白冬瓜去躁煩止渴。白芥子寬胸膈痰拘。○冬瓜味甘溫寒無毒。治淋利小便。除熱散癰。通小腸醒脾。用子中仁尤良。○白芥子味辛溫無毒。青白紫數種。惟芥子粗大色白者入藥。除冷氣攻反胃。治上氣。

婦人產難好催生。滑腸利泄。冬葵子霍亂轉筋。心腹痛減煩。却暑。菱香薷。○冬葵子味甘寒無毒。處處有之。其子是秋種覆養。經冬。至春作子。故謂冬葵子。除寒熱。治疳用根。○香薷味辛微寒無毒。下氣除煩熱。消腫止渴。

發病生蟲。又敗陽。便是蕓臺菜。生瘡長痼。精神損少。吃水茄兒。○蕓臺菜味辛溫有毒。不宜多食。敗損陽氣。生腹中長蟲。主破癥瘕。通血。除丹毒。消乳癰。○茄子有紫白二種。味甘寒性冷。不宜多食。茄根煎湯洗凍瘡。蒂燒灰治腸風。

婦人惡血能令下。濕痺筋攣。取豆芽黃卷瘡疥傷寒最得宜。血風血暈向荆芥假蘇。○大豆黃卷。以黑豆大者為芽。蘩生便晒乾。名黃卷。入藥用。味甘平無毒。○假蘇即荆芥。味辛溫無毒。下氣除勞。兼治頭痛。

馬齒莧散血敷瘡。傅火丹殺蟲。磨翳草。繁蔓發背瘡。場丹風起爛。搗堪塗。○馬齒莧處處有之。味酸寒無毒。止渴攻血痢。磨眼翳。利便難。○草薺。莖味酸平無毒。名雞腸菜。

消痰定喘。寬膨當求蘇葉。風氣頭疼發散。切要薄荷。○紫蘇味辛溫無毒。葉紫色而氣香者佳。消痰下氣。開胃用葉。風氣頭疼發散。用莖。寬喘急。治欬嗽。用子。○薄荷味辛苦。溫無毒。發汗消食。寬脹。除霍亂傷寒。可發散。

飴糖。斂汗。建中補虛。羸不小。神麩養脾。進食使胃氣有餘。○飴糖味甘。微溫無毒。以糯米煮粥。候冷。入麥蘖澄清。再熬成飴糖。以淨器盛貯。夏天澄沉井中。免令酸。諸米可作飴。惟糯米者入藥。止渴消痰。治嗽。○神麩味甘。消食下氣。調理產人。去瘀生新。猶用醋通行血脈。助添藥勢。酒同塗。○醋一名苦酒。治癰除癥。

○酒味苦甘辛。大熱有毒。辟惡除邪。破癥結。

香豉本食中之物。醫傷寒。切不可無。○淡豆豉味苦寒無毒。治頭痛發汗。止痢解熱。以酒浸爛。患脚傳之良。不揣愚衷。而作賦。是為藥性之明珠。○揣量度也。

清公集

卷四

十一